

NCO KWA KEELEDE

KUBA MWEEMBEZI

¶ . . . Nda yeeyela, kuba musyobo wa mukambausi ucima mu kutola ciindi cilamfu. Elyo kakutakwe lwiyo, Ndi—Ndi yeeyela kuti Nse limvwisyi maningi mbuli mukambausi ku bantu bamwi. Elyo Nse—Nse tamininii akwalo kuba mukambausi, Ndi baanga ndili sipeya taya. Pele Ndi limvwa kuti Ndi jisi Mulumbe uzwa kuli Leza, kuti mu nzila yangu (kuti nzila biyo Nje elede Ku utondezya), Ndi sola Ku utondezya ku nyika. Elyo ikuti na tii Nda kakkala a Mulumbe oyo, inga Nda ba simusunzya kuli Leza a sikuupaupa kuli ndinywe. Ii muntu uyo amba cintu comwe a kusyoma cimbi, kwalo nkuupaupa. Twe elede ku kanana bwini lyoonse kuzwa ku myoyo yesu. Kuti cindi bantu ba tulanga, nekubakuti taba zuminani a ndiswe, tu yanda kuba baalumi a banakazi balemekwa: kuti tula kanana kuzwa ku myoyo yesu, kuti eco cili bwini mu myoyo yesu.

² Mwaka wamana, na mwaka kakutanaba mamanino, Nda kajisi coolwe ca kwaambaula i—i Munakristo . . . na mundi jatile, mulumbe wa Krisimasi, okuno ku Ramada. Elyo Ndila syoma Nda kakanana aa ciiyo, naa okuno na ku Phoenix, aakuti: *Nkaambonzi Betelehemu Muniini?* Elyo Ndila syoma mpawo yakali kwakali okuno, mwaka wamana, Nda kaambaula: *Twa Kabona Nyenyeesi Yakwe Kujwe Elyo Twa Boola Kuzo Mu Komba.*

³ Elyo, nywebo mulizi, tula bala Bbaibbele, alimwi tula gambwa, kuti “*Nkaambonzi munji?*” Elyo sunumasiku Nda yeeya, ikuti na inga wandi kkazikilamoyo kaindi kaniini, a kukomba a ndime, inga Nda sola kumupa mulumbe wangwa wa Krisimasi. Leza alikke nguusi awo mpo tuyu kuba aKrisimasi utobela, ikuti na kuli Krisimasi utobela kwamana oyu. Aboobo mukuba kuti oku inga waba Krisimasi wa mamanino ngo tukkede antoomwe, kusikila twa kukkanala aa tafule limbi. Elyo Ta Ukabi umwi wa musyobo oyu, pele ciyooba cindi kuti tu kalye a kunywa mulalilo cabupya a Nguwe, mu Bwami bwa Taata ku mamanino aa lweendo. Elyo mpawo, atu cilanganye sunumasiku mbuli kuti oyu wali mulumbe wa Krisimasi wamamanino wakuti inga twa sola kukkanala antoomwe mukati, mukati kusakana mu kusinizya.

⁴ Ndi yanda kukanana sunumasiku aa ciiyo cigambya, pele ziindizimwi mujana Leza mu cintu cigambya. Ula cita zintu mu nzila iigambya. Kutali nzila ya lyonse, ni nzila iigambya, ziindi zigambya, maccililanwa aagambya, Ula gambya. Elyo Ndi yanda

ceeci... Mwami nawayanda, Ndi yanda kukanana aa ciiyo ca: *Nco Kwa Keelede kuba Mweembezi.*

⁵ Elyo lino katutana buyo kuswena ku Ijwi, eco Nce syoma kuti ngu Leza, "Ku matalikilo kwakali Ijwi, alimwi Ijwi lyakali a Leza, alimwi Ijwi wakali Leza. Alimwi Ijwi lyakaba mu mubili wabuntu a kukkanaka akati kesu."

⁶ Mbuli Mbwe kaamba, mvwiki yainda, na mvwiki kakutanaba mamanino ku Phoenix, "Ca tondezegwa kuti kuli balelwa ba nyika eyi, bantu, kabainda mu buyake obu lino." Televizhioni ila tondezya obo. Cili mu cilao cimbi, meso esu aakunyama a magano esu osanwe takonzyi kubweza ceeco. Tacili ceeco televizhioni yaka panga cintu cili coonse, iinzya buyo. To konzyi kubamba ntaamo a munwe wako, to konzyi kufwinya liso lyako, pele lyaka tondezegwa ku rekkodwa kwa lyoonse. Inga ka ndiimvwi... Na muntu mu Australia, unga waba a—a cipekupeku mukati awa, kutali boobo buyo pele i—i muntu wakali kukonzya kukanana, kupusya kanwe kakwe, kafwinya meso aakwe, na akwalo mubala wa zikobela ezyo nzya samide, uyo tondezegwa awa aa bulambo; alimwi walo mu Africa, Australia, koonse ku inyika. Mwabona, kuli kubalama kwa mayuwe aa oyi. Nse konzyi ku cipandulula, pele Ndi lizi nko cili. Nse yeeyi kuti umwi inga wa cipandulula ncobeni. Aboobo, cipekupeku inga cakwela eci mukati a kucibamba kasimpe kwiinda ku zibelesyo zimwi, kuti inga bakonzya kucitondeezya aa bwaanda.

⁷ Lino, eco cintu nciconya cakaliko ano cindi Adamu nakali ano. Cipekupeku cakaliko ano cindi—cindi Eliya naka kkede aa Cilundu ca Karimeleki. Wa kaliko cindi Martin Luther, mupaizi oyo mukubusyi, naka waala mulalilo aa cibuye a kwaamba, "Kalo nkankwa ka mulao! Elyo baluleme bayo ponena ku lusyomo." Ca kali waano kaindi, pele tuli muku cijana buyo lino. Elyo akwalo cili boobo, kuti mu busyu bwesu sunumasiku ngu Leza, Baangelo, zilenge zigambyaziinda ezyo zitabonwi ku kuyeeya kwesu kwa kunyama. Pele buzubabumwi kayooba kasimpe mbubonya mbuli televizhioni mbo ibede lino, alimwi mbuli buyo cizibilidwe. Lino, ako nkekaambo Nce syoma Ijwi.

⁸ Jesu wakati, "Kufumbwa muntu uyo yungizya ijwi lyomwe ku Bbaibbele eli, na kugwisya Ijwi lyomwe kuzwa kuli Ndilyo, cibela cakwe ciyo gwisigwa mu Bbuku lya Buumi."

⁹ Aboobo, atu kotamike mitwe yesu mpawo, katutana akwalo ku Li bala. Kasetekene maningi! Kufumbwa muntu oyo ujis nguzu zyakunyama ula konzya kuvununa peegi, pele Leza alikke ngu konzya ku Li yubununa.

¹⁰ Elyo a mitwe yesu kiikoteme eno kuya ku bulongo oko nkutwa kagusigwa, nkabela buzuba bumwi buyo bweeda, Nda libuzya... Elyo mu ciindi eci cisetekene, mbuli mbo tu swenena ku Krisimasi, ikuti na kuli bamwi awa abo balimvwa kuteelela

ncobeni alimwi bayanda kwiibalukwa mu mupailo oyu, sa inga (kakutakwe kubuzya mutwe wako) ko tambika buyo maanza kuli Leza a kwaamba, “Kondi yeeya, Mwami, oyu Krisimasi”? Leza amu longezye.

¹¹ Taata Uusalala a Taata Wakujulu Siluzyalo, Leza Singuzuzyoonse, Oyo wakali kuzwa ku matalikilo, kakutanaba nyenyeezi, na atomu, na molekyu. Wa kalenga zintu zyoonse kwiinda kuli Jesu Kristo Mwana Wako, alimwi wa katupa zintu zyoonse cabuyo muli Nguwe. Twa Ku lumba, sunumasiku, Mwami, ku coolwe eci Nco tupa kulibunga antoomwe tobeni, ku cenjezegwa a kuiisigwa ku Muuya Uusalala. Elyo Muuya Uusalala ula bweza Majwi Ako a ku Ayubununa kuli ndiswe, nkambo Jesu wakati, “Cindi Walo Muuya wa Bwini wasika, Uyo tuyeezya zintu ezi nze Nda kaamba alimwi akwalo kumu tondezya zintu iziciza.”

¹² Leza, takukwe omwe akati kesu, naanka umwi aa nyika, oyo weeleded kusola kupandulula Ijwi Lyako, nkambo kuli lembedwe kuti, “I Ijwi lya Leza tali pandululwi ku muntu.” Nkikaako, Mwami, twa lomba kuti Muuya Uusalala uyo tupa sunumasiku, umwi aumwi, cibeela nco tu yandikana kukkutya nzala eyo ili mu moyo wesu kuba a kweenda kwamunsi loko a Nduwe. Ta tweeeli, basofweede, bateeleli. Lekela Mwana oyo wakazyalwa mu Betelehemu, oyo wakapona buumi bulondokede maningi, alimwi wakali muntu buyo ulondokede aa nyika, a kulipa Mwini ku cakubbadele kutegwa Ka konzya kutusalazya tobasisizi batasalali a kutuleta mu bujatane kuli Taata, kopa sunumasiku kuti Muuya Uusalala Wakwe (kwinda ku kukambauka kwa Ijwi) uyo cita ceeco kuli ndiswe.

¹³ Mwami Leza, kuli balwazi banji mu cisi sunu, mu busyu bwa musamu mubotu maningi oyo ngo twa kasola kusilika, a misamu mibotu maningi a zibbadela zibotu maningi. Elyo nekubaboobo muli koonse kubbutukizya kwesu kupati bwa sayaansi, nekubaboobo kuli malwazi manji kwiinda nyika negeya kasola kuziba, nkaambo kuli cibi a kutasyoma kwiinda inyika nzoya kasola kuziba. Kotu gwasya sunumasiku, Musilisi Mupati, a kuponya balwazi abo bali akati kesu.

¹⁴ Elyo kotupa Muuya, Muuya wini wa Krisimasi. Cindi sunu...kuti cindi mapobwe aa buhedeni, masamu aa Krisimasi nakombwa, twaano twa i-i muntu wakaulikidwe Santa Claus, a tusulwe twesu twa Pasika, a mafashioni aindene ayo inyika ya mpindu nga bikkila maanu maningi, akube kuti cibikkwe ambali, Leza. Atu njile muli Kristo Ijwi, nkambo twa kacilomba mu Zina Lyakwe a ku bulemu Bwakwe. Ameni.

¹⁵ Ikuti na tuyanda kuvununa a ndime ku kubala mu Malembe Aasalala, Musalali Luka, capita 2. Sa mulakonzya kundimvwa kabotu?

Sa kuli bucincanye bumwi mu mamaikkrofooni? Sa mulakonzya kundimvwa kusule kabotu? Ikuti na mula konzya, amutambike maanza anu. Ndamu lumba. I cipati 2 ca Makanimabotu kweendelana ku Musalali Luka.

Elyo caka boola kucitika mu mazuba ayo, kuti kwa kayutuka mulao kuzwa kuli Kaisara Augastasi, kuti nyika yoonse ya keelede kupa mitelo.

(Elyo oyu mutelo waka zibisigwa lutaanzi...wakali mulangi wa ba Siria.)

Elyo boonse bakaunka kuyo tela, umwi aumwi ku cisi cakwe mwini.

Elyo Josefa awalo wakainka kutala kuzwa ku Galilaya, mu munzi waku Nazareta, mu Judaya,... munzi wa Davida, oyo utegwa Betelehemu; (nkaambo wa kali wa ng'anda a mizukulu ya Davida:)

Kuyo tela antomwe a Mariya mukaintu wakwe wakatangidwe, mukuti wakali minidwe a mwana.

Elyo aboobo mbo cakabede, kuti, kuciindi na akaliko okuya, mazuba aakwe na kazulila kuli nguwe kuti atumbuke.

Elyo waa kazyala mwana wakwe mutaanzi kuzyalwa, a kumu vungaila mu zisila, a kumu bikka i mu cilido cabanyama; nkaambo kwakanyina busena bwabo mu hotela.

Alimwi kwa kaliko mu cisi nciconya beembezi kaba kkede mu myuunda, ka beembela matanga abo cindi ca masiku.

Elyo, mubone, angelo wa Mwami wakasika ali mbabo, a bulemu bwa Mwami bwa kamweka kuba zunguluka: nkabela ba kayoowa kapati.

Elyo angelo waka baambila kuti, Muta yoowi: nkambo, amubone, Nda leta...makan mabotu a lutangalo lupati, olo yooba ku bantu boonse.

Nkambo kuli ndinywe kwazyalwa buzuba obuno mu munzi wa Davida Mufutuli, uuli ngu Kristo i Mwami.

Elyo eci ciyooba citondezyo kuli ndinywe; Muyo jana muvwanda kavungaidwe mu zisila, kabikkidwe mu cilido cabanyama.

Elyo mpoonya awo kwakali i...Elyo mpoonya awo...a angelo makamu aa...nkamu ya kujulu kailumbaizya Leza, a kwaamba,

Bulemu kuli Leza sijulu lyajulu, alimwi aa nyika luumuno, luyando lubotu ku bantu.

Elyo caka boola kucitika, mbuli baangelo mbuba kazwa kuli mbabo kuya ku julu, beembezi bakati kuli

umuwi aumbi, Atu unke lino akwalo ku Betelehemu, a kuyo bona cintu eci caboola kucitika, eco Mwami nca tu yubunwida.

Elyo baka njila mukubinda, a kujana Mariya, a Josefa, a muvwanda kalede mu cilido cabanyama.

Elyo cindi niba kamubona, ba kazibya boonse kaamba eco cakaambwa kujatikizya i mwana.

Elyo boonse abo baka cimvwa bakalibuzya ku zintu ezyo zya kaambwa kuli mbabo kwiinda ku beembezi.

Pele Mariya waka bamba zintu ezi zyoonse, a ku ziyeeyela mu moyo wakwe.

Elyo beembezi baka bweeda, kabalemya a kulumbaizya Leza nkambo zintu zyoonse nzyo bakamvwa a kubona, mbuli mbo zyaambwa kuli mbabo.

Akuzumizigwe kuti Mwami ayungizye zilongezyo Zyakwe ku kubala Ijwi Lyakwe.

¹⁶ Lino, cili ii...Baa oku kucitika kupati kwa kayubununwa ku beembeli? Eco inga caba musyobo wa cintu cigambya kuli ndiswe. Ndi jisi Magwalo amwi aalembedwe awa, a bulembo busyoonto obo Mbweyo sola kumanizya ku kupandulula kuli ndinywe *kaambo* ku bubotu bwa luzibo lwangu. Elyo ambwени kwamana ceeci, kuti Mwami a luzyalo Lwakwe, sunumasiku, uyo bweza *twaambo* kuzwa kuli ndiswe. Pele sena...Bunjii bwesu toonse, Nda yeeyela, ku ciindi cimwi na cimbi, ula gambwa kaambo oku kucitika kupati kwa ziindi zyoonse kwa kayubununwa ku beembezi. Nkaambonzi nco Ca kayubunwa ku beembeli a kutali kuli basilwiyo lwa zyabukombi ba buzuba obo? Ba kali bamwi ba kayiisigwa ku Ci mvwa. Elyo nkaambonzi Wa kaboola a kweenguluka bavubi, a kuboola ku bacete? Akwalo, nkaambonzi Wa kaindilila bayiide a basongo, a kuboola ku babombe a batayiide? Kuli mibuzyo misyoonto yakuti *nkaambonzi* muli ceeci.

¹⁷ Elyo kaambo kambi nkenga Nda amba, amubone, muvwanda wakazyalilwa mu Betelehemu. Eyo Betelehemu mu bupanduluzi bwa Bahebrayo, mbuli mbo twa kajisi myaka misyoonto yakainda awa, *Betelehemu* lyaamba “ng’anda ya Leza iya cinkwa.” Elyo twa katondezya mu Magwalo, Ta kakonzya kusika ku busena bumwi bumbi. Betelehemu waka janwa kwiinda kuli Rahabi a mulumi wakwe—wakwe. Rahabi wakali sibwaamu oyo sikweendelezya, kuzwa ku—ku mpi ya Israyeli, niba kamana kutola Jeriko. Elyo ku lusyomo waa kasyoma Mulumbe wa Leza, mu ciimo cakwe, nkabela waa kafutulwa. Elyo kuzwa awo, cindi Joshua nakaabaula manyika awo umwi aumwi mpa yooba,...

¹⁸ Elyo kuli ciyo cipati cakuti ciindicimwi Ndi langila kukonzya kuleta ku Tucson, caba bamatumbu Bahebrayo bakali

kuzyala bavwanda abo. Cindi na katongela kukuzyala kwa muvwanda, waa kaita zina lya muvwanda elyo eco caka cibikka mubusena mu nyika ya cisymezyo, walo mukowa. I cintu cipati, lyoonse Ijwi lya Leza lileelela ncobeni antoomwe. Ikuti na ta ceeleli antoomwe, talili Ijwi lya Leza likakilwa kweeleta, yalo muyeyeo yako tai konzya kweela mu Ijwi. Ila eelela lyonse antoomwe.

¹⁹ Aboobo, mpawo, Wa kali Cinkwa ca Buumi, mbuli mbo twa kayiisya mvwiki yainda mu Phoenix, na mvwiki kakutanaba ya mamanino. Elyo mukuba Cinkwa ca Buumi, Ta kakonzya kuboola ku busena bumbi pele “ng’anda ya Leza iya cinkwa.” Elyo nka kali *kaambo*. Lino, awa, Jesu wakazyalwa mu Betelehemu, alimwi mu Betelehemu kwakali sinagogi, basololi bapati babukombi bakali kukkala mu Betelehemu. Davida mweembezi mupati mwaami wakazyalilwa mu Betelehemu, wisi Jese waka zyalwa mu Betelehemu, syaanyinakulu Obedi waka zyalilwa mu Betelehemu. Akwalo, lweendo loonse kaindi, wa kazwa ku Betelehemu.

²⁰ Elyo awa, Jesu Mwana wa Davida wakazyalwa mu Betelehemu, nkoonya kunsi lya zimvule zya ba kerati bapati. Mpawo ikuti na bantu abo bakayiisigwa, alimwi bakali kulangila Mesiya kwa myaka eyi yoonse; myaka ili zyuulu zyone, Mesiya waka sinsimwa ku boola. Elyo mpawo ikuti na Mesiya wazyalwa mu cimvule ca cikombelo cipati, kaambo nco bakacita kwiinka kulaale mu malundu ku nkamu ya beembezi bata kayiide, aba taka yiisigwa kuleta Mulumbe mupati, Mulumbe mutaanzi? Elyo wakatuma beembezi! Kutali basongo a bayiide, pele beembezi. Ncintu ceenzu, embo na? Pele kuleelede kuba *kaambo* kubusena bumwi... Nkaako kalo *kaambo*, eno kuleelede kuba bwiinguzi bwa *kaambo*! Elyo taakwe muntu uuzi bwiinguzi kuti bufutule Leza. Ngo Nguwe oyo uuzi bwiinguzi.

²¹ Lino, amuyeyeye, Mesiya wakali kale mu munzi, kazyalilwa mu munzi, mu cimpatti; monya munsi lya zikombelo zipati oko mupaizi mupati... a bapaizi bapati, a basilwiiyo lwabukombi, a basongo, a bayiide, boonse bakaliko kabalindila Mesiya. Elyo ngooyo Mbwa kabede, mpoonya akati kabo! Pele nkaambonzi baka cita kwiinka ku i...kuya ku zilundu zya Judaya kuli batakaiya, batakayiisigwa, bata kajisi zilengwa, bakali bacete kuli boonse? Kuboneka mbuli kuti muntu uta jisi luzibo ku mulimo uli boobu, ku yubununa Mulumbe a kubatuma ku kuleta Mulumbe.

²² Nywebo mulizi muzeezo wangu? Inga tii catandila maningi, pele Ndi yanda kwiinda muzeezo wangu: Nda syoma nkaambo ka busongo bwa Leza, kuti Wa kalizi kuti tabaka tambuli Mulumbe uli boobu nzila Mbo uboola. Tii cakali mu kubotelwa kwa kwiya kwabo. Ca kali andeene. Tii cakali eco nciba kayiisigwa kusyoma kuti Uyo kozyanya. Ca kaliimpene ku kumvwisya kwabo kwa lwiyo lwabukombi. Kuijisigwa kwako

konse, kwiiya kabo konse kwa keengulukwa, kwakaba kwabuyo. Nda syoma bwa kali busongo bwa Leza bwa kalizi kuti tiiba kali kuyo tambula Mulumbe uli boobo.

²³ Aboobo Mesiya wakali waano, alimwi kwa kweelede kuba muntuumwi waku Li ziba. Elyo Wa kalizi abo bata kasanganisigwa mu zintu zili booboo mbuli ezyo. Uyo konzya loko kujana mulumbe Wakwe ku nkamu ya batayiide, kwinda Mbwa konzya ku nkamu isangene eyo ya kabambidwe loko mu nzila zyabo cakuti taakwe cintu cikonzya kubasandula, akwalo kutali Ijwi lya Leza.

²⁴ Elyo lino, mweenzuma Munakristo, andi buzye mubuzyo oyu, a kusinizya koonse a luyandisyo. Nda libuzya buyo ikuti na inga Wa bamba mucito nguemasiku, a kutuma kuli ndiswe mu nzyalani eyi i Ijwi lya kasyomezegwa eelyo lya kasyomezegwa ku nzyalani eyi, Nda libuzya ikuti na basilwiyo besu lwabukombi, a basikuyiisya, a basongo, teeba ukaka Mulumbe mbubonya buyo mbuli mboba kacita kaindi? Muntu tacinci, naanka Ijwi lya Leza talicinci. Ngu Leza uutacinci, Ta cinci!

²⁵ Amubone, Baangelo kababoola a...Baangelo kababoola a kupa Mulumbe wabo ku muntu wa ciimo caansi loko, cindi nikwakali bantu okuya bakainda (kuyeeya kwa nyika) kweelela kwinda aba beembezi, bacete bakanyina luzibo. I mweembezi wakali uutayiide loko ku muntu uuli oonse, ta kali kuyandikana kuziba cintu pele buyo kujatikizya mbelele zyakwe. Ta kali kuyandikana kuziba mathamatikisi. Ta kali kuyandikana kuziba nzila ya—ya kupasaula atomu. Ta kali kuyandikana lwiyo lwaatala. Wa keelede buyo kuziba mbelele zyakwe, nku koonse nkwa kali kuyandikana kuziba. Elyo Leza, Busongo bupati, a Kasensa a kasensa ka busongo boonse, bayo sala muntu uli booboo (bantu, mubwini, mbuli oyo), a kweenguluka basicikolo boonse bakayiisigwa kabotu abo bakayiisigwa kuziba Ceeco. Kula kaanana cintu comwe, kuti baka yiisigwa mu ncito ilubide. Kwiinda boonse bapati ba cis; kwakali bantu balemu, bamayi bapati, Kayafasi mupaizi mupati, bantu bamwi balemu, boonse basinguzu ba Israyeli bakayiide, tonse tubungwe, a bonse basilwiyo lwabukombi bali kankaizya, Leza wakaindilila umwi aumwi wabo! Lino, obo mbusongo bwa Leza.

²⁶ Amubone, Majula Aaatala maningi kabinda kulemeka bata kayiide a babombe maningi iba nyika. I Waatala maningi waku Julu wa kaseluka kuzo liyubununa Mwini kuli baansi maningi ba nyika, kweenguluka boonse akati kukuliyubununa Mwini kuli basikweembela balyonse; kuboola kupa aba basikweembela balyonse Mulumbe mupati maningi wa ziindi zyoonse. Kwakali batumwa bapati banji. Inga twa yeeya mu buzuba bwa Nowa, a basinsimi, a—a bapaizi bapati, abamwi bambi, bakali mu mazuba akainda. Bantu bayiide maningi, bami, baleli banguzu zinji, basibwami, pele ngooyu waboola a Milumbe

mipati kuli yoonse. Ino Mulumbe wakali nzi? “Mesiya nkwalilino!” Mwabona? Elyo kuzibya ceeco, Wa kaindilila boonse bakaiisigwa, ku cizibya ku beembeli babombe.

²⁷ Amu ciyeeye: boonse bapaizi, boonse bapaizi ba mbungano, boonse bamaiyi, boonse i—i kwiiya kwa lwiyo lwabukombi, mali oonse akabelesegwa, mambungano oonse, a njiisy, a tubungwe, toonse twa kaindililwa! Koonse kwiiya nko baka belesya aali boonse i—oonse mamisionari, a kulilemeko koonse, bumembala boonse, a zintu zyoonse ezyo nzyo bakali kuyeeya kuti bakacita lulemeko kuli Leza, nekubaboobo Mulumbe mupati wa zyoonse zya kaliko wa kabeenguluka. Nceenzu! Nkaambonzi? Mwabona?

²⁸ A limwi amubone, kutali biyo obo, pele busena bwatakali kweelela loko ku kucitika oko. I beembezi, lino, mbe mbabo bakatambula Mulumbe. Elyo lino amubone awo Mulumbe mpowa kabede: mu busena butalangilwi kuti umwi inga uyo Ulangila kuboola. Elyo Nda libuzya, sunumasiku, ikuti na twali kulangila Mulumbe wini wa Mwami Jesu, Nda libuzya ikuti na inga Tii waelela ku nkamu, busena obo bwakali...eyo nyika ndemu, ya zilengwa zilemu a mbungano sunu inga ya yeeya kuti cakali cikama ca—ca, oh, basibuzumini bumbi? Nda libuzya ikuti na inga tii caba awo mpo tukonzya ku Mu jana? Busena bwatakali kweelela, a ku bakanazi bataka jisi zyeelelo loko. Beeembezi taakwe ncoba kazyi kujatikizya kukanana, cita biyo kwiita mbelele; ee, ndiza nke kaambo Wa kasika.

²⁹ Pele kwakali Ijwi lyaka syomezegwa. Amubone, lyakali kukonzya kucita eco alubo.

³⁰ Lya keenguluka bonse balemekwa bamu cisi. Lya keenguluka bonse balemekwa, nkabela waka yubununwa ku batengwani. Bonse balemekwa baka sakatidwe kubelesya—kubelesya lwiyo lupati lwa bwiiyi a—a kwiiya kwa saikkoloji, a—a lwiyo lupati, a zikombelo zipati azintu, zya keengulukwa zyoonse aku yubununwa ku batengwani. I busongo, busongo butagoli bwa Leza Singuzuyonse bwaka cicita, ku zibya kuli mbabo Mulumbe mupati kwiinda mbowa kabede lyoonse, “I Mesiya uli aa nyika lino.” Ino mbusongo! Bukonzya biyo kuzwa kuli Leza oyo uuzi busongo! Bonse busongo a konse kwiiya, a zintuzyonse, eno zya kasowegwa buyo akweengulukwa ku busongo bupati bwa Leza. Nda zumanana kuloolola nkaambo Ndi yanda kuti cisakane. Zyonse zya kasowegwa, tee zyakali kabotu. Kaceenguluka ku lekela busongo bwa Leza kuba a nguzu zya nzila, kuti Leza ulabweza cintu kupanga cintucimwi.

³¹ Inga twaima awa a kukanana Johane. Inga twaima a kukanana Eliya. Taakwe uuzi oko Eliya nkwa kazwida. Koonse nko bazi, wa kalibonya buyo aa cilao. Basinsimi kaindi mu makkalo, tee bakali batengwani. Pele Leza wakabweza eco ku... a kweenguluka i—i milao yakulilemeko kwa mbungano,

a kuyiisya, ku bamba . . . kutondezya kuti Ngu Leza. Ula bweza cintucimwi eco citali cintu, kucita cintucimwi ancico. Ula tondezya busongo Bwakwe a Buleza Bwakwe kwiinda mu kucita boobo, kuti Ula bweza zitagwasyi. Cindi Na kasaanguna kupanga muntu, Wa kabweza buyo cikoto ca bulongo a kupanga muntu kuzwa kuli ncico. Awo mpakabede cintu cita bulongo, pele Wa kapanga muntu. Elyo Leza ulabweza cintu eno, kucita cintu cimwi a ncico. Elyo kufumbwa kuti twa yeeya kuti tuli zintu zimwi, mpawo ta tukonzyi kubelesegwa mu janza lya Leza. Twe elede kusiya zyoonse nzo twa kasola kuziba na kwiiya. [Mukwesu Branham wapukuta kameneno kakwe—Mul.] (Amu ndijatile.) Mbuli Musalali mupati Paulo, wa kati wa kacita kuluba koonse nkwa kasola kwiiya, kuti akonzye kuziba Kristo.

³² Konse kwiiya kwabo, konse kuyiisya kwako azimwi zimbi, zyakali kubeleka kuli mbabo ku bubi. Kumalekelo caka Mu kaka! I kwiiya nkoonya nko *baka* Mu citila, ku Mu syoma, kanyona a kuba sinkondo Wabo sikukazya maningi, a ku Mu bambula!

³³ Sena mulizi kuti makani aakale alaliloolola ziindi zyoonse? Kalo nkansipe kazizilwe. Inga cacitika alubo ku mbali lyesu. “Oh,” yebo wati, “Ikuti ni Nda kapona mpawo, . . .” Ee, lino, ikuti na uyanda kuziba eco nconga wacita mpawo, kolanga ku ciimo cako calino; alimwi inga mwabona eco nco kacita kaindi, nkaambo cila yubununa nconzyo.

³⁴ Kayisigwa kusyoma Ijwi Lyakwe, elyo mpawo cindi Ijwi Lyakwe nilya kasimpikizigwa kumbele lya meso abo ngaonya, bali kaka Ijwi eelyo lya kabambwa kusimpikizigwa. Cindi Leza nakatondezya eco Nca kali kuyo cita, a kwaamba eco Nca kali kuyo cita, a kutondezya eco Nca kali kuyo cita, mpawo bakanyona a kwita muntu oyu kuti “muuya mubi” (oyo waka basinganya boonse). Amuyeeye eco cakacitika! Amuyeeye eco caka bacitya; kwiiya kwabo kwaka bacitya kuta ziba Ijwi ndilyonya lyakaba mu mibili wabuntu ku buzuba bwabo; i kwiiya nkukonya nko baka jisi mu zikolo zyabo, a bamayi babotu maningi.

³⁵ Elyo yebo wati, “Ee, inga tii twa cita eco sunu.” Bamaiyi babo bakali balemu kapati kwinda besu sunu (bainda, mubwini, kuli bamayi besu), nkabela baakakilwa. Tiiba kajisi tubunga twandeene tuli myaanda ili fuka amakumi ali fuka acisambomwe mbuli mbo tujisi sunu. Ba kajisi kutandila botatwe. Alimwi muli botatwe, kutobela kunselelo okuya kuli botatwe, alimwi taakwe wa botatwe wa Ka uziba! Kuunka buyo kutondezya kuti eco muntu nca cita mbufubafuba kuli Leza. Mwabona?

³⁶ Lino, ba kakakilwa ku Ci ziba. Lino . . . Elyo niba kacita cintu nciconya alubo.

³⁷ Muntu...Bukanze mbu botu, lyoonse mbubotu. Elyo muntu ta cinci bubambe bwakwe, ta cinci nzila zyakwe maningi; Ndi kanana zya muntu wa inyika. Muntu lyoonse ulumbaizya Leza, muntu mukombi, kuli ceeco Nca kacita, alimwi lyoonse utondeka bantu kuli ceeco Ncayo cita, elyo mpawo kutabikkila maanu kuli ceeco Ncali mukucita! Mwabona? Oyo muntu buyo, wa kabambwa nzila eyo, lyoonse wakali munzila eyo. Elyo nobabali ba Bbaibbele sunumasiku bazi kuti eco cileendelana a Ijwi, "nconzyo." Lyoonse bala lumbaizya Leza kuli ceeco Nca kacita, kaamba eco Ncayo cita, a kutabikkila maanu kuli ceeco Ncali mukucita. Eyo ngu cilengwa buyo ca muntu.

³⁸ I kaambo nco bakacita eci, bamayi, ku muzeezo wangu lino: ba kapandulula Ijwi, nkaambo boonse bakasyoma mu kuboola kwa Mesiya. Boonse ba Israyeli baka cisyoma, bala cita sunu. Pele kaambo nco bata ka *Mu* ziba, Mulumbe Wakwe tii wakali kweendelana ku kweelela kwabo kwa bupaizi. Ba... bupanduluzi bwabo obo mboba kajisi bwa Ijwi, i Mesiya taakwe naka liyubununa Mwini mu nzila eyo njo baka pandulula kuti Uyo cicita. Aboobo, elyo nkikaako, tiiba ka *Mu* ziba nkaambo Tii caka leeleta bupanduluzi bwabo. Mboli Mbwe kaamba kale, a kwaamba alubo, "Leza tayandi umwi kupandulula Ijwi Lyakwe. Ngu sikupandulula Lwakwe Mwini."

³⁹ Lino, Bbaibbele lilati...Andi mutondezye lino kuti obo Mbwini. Isaya musinsimi, myaka ili myaanda ili ciloba a kkumi ayosanwe kacitana citika eci, Isaya musinsimi wakati, "Ii nakalindu uyo mita, nkabela uyo zyala mwana." Kwiina kuzumbauzya kuti bantu boonse mu bukkalo obo bayeeya kuti mwana wabo musimbi uyooba mwanakazi oyo, nkaambo Isaya waka caamba. Pele, nywebo mwabona, yakali myaka ya myaanda ili ciloba yakainda. Pele cindi...Leza takali kuyanda umwi kupandulula Ijwi Lyakwe, cindi Na kali kuyo cicita, na nzila Mbwa kali kuyo cicita. Wa kati Uyo cicita, nkabela Wa kacicita!

⁴⁰ Leza wakasyomezya kuti Wa...omuya muli Isaya, awalo, Nda syoma cipati 28, kutandila kampango ka 18. Elyo akwalo muli Joeli 2:28, kuti mu mazuba aakumamanino, myaka ili zyuulu zyobilo zyamamanino, Wa kali kutila Muuya Wakwe aa bantu boonse. Wa kati, "Bana banu balombe abasimbi bayo sinsima. Mwaalumi wako mukubusyi uyo bona zilengaano. Mwaalumi wako mudaala uyo lota ziloto." Elyo zintu ezyo Nzya keelede kucita, Isaya wakati, "A milomo imamauka a myaambo imbi Njo kanana ku bantu aba, alimwi oku Nkulyookezya." Pele tiiba ka Li mvwa. Ba kagunya mitwe yabo a kweenda kwinda kuli Ndilyo. Wa kati, "Oonse matafule aa Leza nakazula malusi, nkabela takukabi cintu cisalala." Elyo ikuti na eco tacili cifoto ca Jerusalema, a mbungano ya buzuba obo ku kuboola kwa Mesiya, nci fwanikisyo sunu nciconya. Cili loolola buyo cini.

⁴¹ Lino, cindi Leza aamba kuti Uyo cita cintu, Wa kacicita. Kakutakwe kulanganya eco umwi umbi nca yeeya kujatikizya ncico, eco kufumbwa muntu ncaamba, cindi Leza akanana cintucimwi, Uli sinikizidwe kupandulula Ijwi eelyo Mwini. Elyo kusimpikizigwa Kwakwe kwa Ijwi mbupanduluzi Bwakwe Mwini. Amubone, kusimpikizya Mulumbe wa Mesiya Wakwe. Wa kasyomezya eco Mesiya nca yoocita cindi Na boola. Elyo cindi Na kaboola . . .

⁴² N okuba cindi bantu basongo ba kujwe niba kalanga kumusanza kutozya kumbo lyamusanza, kuzwa kooko nkoba kabede mu Babuloni, elyo bakabona nyenyezi yabweebesi. Sena mwakalizi kuti kwiina kabeela ka makani aakale, kuli koonse, kuti kufumbwa buyake bwakweembelela zyakujulu (oko akwalo nkoba kabamba i—i—i ciindi kwiinda ku nyenyezi, muntu mupati oyo wakaiya nyenyezi ezi) . . . Takukwe makani aakale aamba kuti kufumbwa wabo wakabona nyenyezi eyo nokuceya. Nkaambonzi? Tii caka pegwa kuli mbabo, tii bakali kulangila cili boobo. Pele aba bantu basongo bakaziba kuti kuyooba Nyenyezi ya Jakobo kaibuka, nkabela bakali Kwi ilangila, alimwi Ca kainda kuzwa ku ciindi eco Jesu nakazyalwa mu Betelehemu . . .

⁴³ Lino, Ndi lizi tunsiyansiya twesu twa Banakristo, cili mbuli mambungano esu, ciimo calupyopyongano lupati. Ula unka awa a kubona bantu basongo kaba boola kuzo komba muvwanda; takukwe cintu cili boobo mu Lugwalo. Myaka yobile niyakamana kusika kuya, kaselemuka kwiinda mu nkwaalale a kuzabuka Mulonga Tigrisi. Taakwe niba kaboola kuzo komba muvwanda, pele mwana muniini kutandila myaka yobile yakukomena. Nkaambonzi cakali obo, ku ciindi nciconya, Heroda waka jaya bana boonse kuzwa ku myaka yobile yakukomena kunsi? Kutegwaa akonzye kujata Mesiya. Nywebo mwabona, ba . . . Leza waka simpikizigwa ku Ijwi Lyakwe.

⁴⁴ Elyo cindi bantu aba basongo niba kaboola ku Jerusalema . . . I nyenyezi yaka basololela ku ng'anda ya bukombi iya nyika, Jerusalema. Elyo mbo bakanjila buyo milyango eyo, nyenyezi eyo (cigambyociinda eco caka basololela) kaka kuba tondezya limbi. Koonse mu tugwagwa aba bantu babotu bavubide, bantu baka jisi nkamele zibotu zyaka sakatizidwe, a zimwi zimbi . . . kutala a kunsellelo lya tugwagwa kabaamba, "Uli kuli Walo wakazyalwa Mwaami waba Juda. Twa kabona nyenyezi Yakwe kujwe." Alimwi eyo ng'anda mpati ya bukombi yakamana, nikwa kamana myaka yobile ya Mulumbe wa mweembezi, nekubabobo teeba kajisi bwiinguzi na kuziba cintu cijatikizya Nguwo. I mutwe wa tubungwe toonse tii twa kajisi bwiinguzi.

⁴⁵ Aboobo caka nyonganya Sanhedrini, alimwi baka itila Balembi kuti baboole kubala. Elyo bakabala kaano ka Mikaya, musinsimi oyo wakati "Yebo Betelehemu, sa toli muniini boonse

basibwami ba Juda (bace), pele kuzwa kuli nduwe kuyo boola muleli uyo endelezya bantu Bangu, Israyeli.” Elyo Magwalo naka mana kubala (elyo nekubabooobo akasimpikizigwa kumbele lya meso abo), nekubabooobo tiiba ka Ci tambula, nekubakuti Lugwalo lwa kaamba booboo. Nda zumbauzya maningi kuti inga bacita sunu, ikuti na Magwalo aka syomezegwa ku buzuba buno ayo yubununwa. Kwayanda nseka kambauki kuli ndinywe alubo, pele Ndi yanda kuti mumvwisye ceeći. Nekubabooobo tiiba kasyoma!

⁴⁶ I busongo bupati bwa Taata bubamba busongo bwa muntu kuba bufuba loko cakuti Wa kasusya muntu. Ula boola ncobeni ku busena oko nko cibamba muntu kulimvwa nsoni loko kuli lwakwe, alimwi tali mupati kweelede kuzumina kuti uli “lubide.” Uci kkala a kaano kakwe, takukwe makani kunji Taata mbwa tondezya kuti Ijwi Lyakwe ndya bwini alimwi Uli mukucita buyo eco Nca kasyomezya kucita. Muntu ueeyea kuti busongo bwakwe mbukwabilizi maningi kuli Leza, ikuti na ta bubooli kweendelana ku busongo bwakwe, “Baa, Tacili boobo.” Obo mbwini mu bukkalo abumwi, buci cicita. Mwabona obo bweende boonse mbo bwakali kweelela, lino?

⁴⁷ I no bwakali bunanike kuli basikweembela abo! I Baangelo kaba selemuka ku kanana ku batanga, Baangelo ba Leza kaba boola ku kanana ku nkamu ya mweembezi.

⁴⁸ Nda libuzya ikuti na kuli nimwakasola kuba a coolwe ca—ca kwaambaula a mweembezi na kuba a umwi, kaindi? Ikuti na tuyanda, Nse—Nse yandi ku caamba nkaambo ka kwaamba kwangu Ndi tandila kwaamba kwainda kaindi, pele mweembezi ula kkala a mbelele kunji loko kusikila waseka akwalo mbuli mbelele (kukazya), ula ambaula mbuli mbelele, alimwi ulanunkizya mbuli mbelele. Mbo mbubo, nkaambo uli a mbelele. Nkukoonse nkwozi, ni mbelele zyakwe.

⁴⁹ Lino, Ijwi lya Bwini lyaka simpikizigwa. Cindi aba beembezi, babombe, bantu batayiide... Ino mbulemu, obo mbo bweelela ku mweembezi kutambula mulumbe wa mbelele zypy zya kazyalwa. Tii lya kaboola cita ku mweembezi. Ako ke kaambo Wa kazyalilwa mu cilido cabanyama, elyo kutali mu ng’anda. Mbelele tazi zyalilwi mu ng’anda, na mu kaanda ka cibbadela kabambilidwe kabotu akusalaluka. Mwabona? Ba kazyalilwa mu butala, a mu masena aa kubelekela.

⁵⁰ Ako nke kaambo Nca *kasololelw* ku Kalivari. To konzyi kubamba mbelele kweenda cigebunga ku cijailo. Sena mwakalizi eco? Mu bajailo, bali jisi mpongo iisololela mbelele. Elyo cindi ainka kutala oko busena bwa kujaya nkobubede, ula sotokela anze a kulekela mbelele kuzumanana. Ii mbelele yeelede kusololelw, tai konzyi kuli sololela lwayo. Aboobo, nkikaako, ca keelede kuba mweembezi kabolela i... mbelele zyakwe. Cindi niba kajana muvwanda wa Leza mbubonya awo

mutumwa mpa kaamba kuti Uyo oba, elyo cindi niba kajana Mulumbe oyu wa mutumwa mu cilido cabanyama, mbubonya awo Angelo mpa Ka Wa amba kuyooba.

⁵¹ Lino, Nda kamvwa bantu kabaamba, “I Angelo waka ndaambila, Wa kati, ‘*boobu a boobu*.’” Mbocili cabufuba ciindicimwi; alimwi Nda kamvwa bantu kabaamba kuti Angelo waka kanana kuli mbabo, a ku baambilila “*boobu a boobu*” eco cakaimpene ncobeni ku Ijwi. Lino, mbobuti Angelo mbwa konzya kucita ceeco? Ta kakonzya buyo kuba. Elyo ikuti na Leza waka mwaambila cintu cili *boobo-boobo* inga ciyo citika (yebo *wati* Wa ka kwaambila ceeco), nkabela ta cicitiki, mpawo takali Leza kaambaula kuli nduwe. Koyeeya buyo, mbo mbubo. Leza ta beji. Ta janwa mu bubeji.

⁵² Cindi niba kajana Muvwanda, ino ndutangalo lwa keelede kuba kuli mbabo. Nkaambo Angelo oyo waka bapa mulumbe, ba kaujana mbubonya buyo nzila Angelo mbwa kaamba kuti uyooba, a mu busena awo Angelo mpa kaamba kuti ciyooba. Ino ncintu eco cakeelede kuti cakali kuli mbabo!

⁵³ Mu cilido cabanyama, nkaambonzi? Mwabona obo mbo bakali basakatizya abo bakali mu cilido cabanyama? Ino muyeeya nzi silwiyyo lwabukombi nakali kunga wakali omuya? Na kabikka kamikami ku mpemo yakwe, a kuti, “Kondi gusya mu busena obu.” Mwabona? Na kazwa mu busena, nakali mu kusampa.

⁵⁴ Pele, nywebo mwabona, wakali “ku muunzi buyo” ku mweembezi. Leza ulizi oko nko tutuma Mulumbe Wakwe. Mwabona? Mbubonya buyo ncobeni. Mu cisi eci beembezi bakali mu ciindi eco, mu cilido caboo a Kabelele kabo, Mulumbe waka simpikizigwa oyo ngo bakamvwa. Obo mbo ciboteleyza! Mu busyu bwa Mesiya, Ijwi lyaka simpikizigwa lya Mulumbe wabo. Cindi beembezi niba kamvwa kuti Mesiya wakali aa nyika, a kuboola mu busyu Bwakwe, moonya mu zyeelelo zyabo, (a kujana Mulumbe kuba wa bwini, waka simpikizigwa awo) obo mbo kweelede kuti waka bamba bantu abo kulimvwa, kujana kuti Leza wakacita cintu eci cipati kuli mbabo.

⁵⁵ Baa, basicikolo bapati niba kazwa mu busena okuya, kensi lya ziimo zili boobo, niba kazwa cakubinda ncobeni. Nkaambonzi? I Mutumwa kaboola ku balombwana. Ndiza tiiba kakonzya akwalo...aba...bamwi aba basikwembela kwayanda teeba kalikukonzya kusaina mazina abo, kulazumbauzigwa maningi. Nywebo mulizi ba matanga abo Jesu mba kasala cindi Na kali waano aa nyika, ku kweembela mbelele Zyakwe, “Sa ula Ndi yanda, Petro, kwiinda baaba?”

⁵⁶ “Inzya, Mwami, Uli zyi kuti Nda Ku yanda.”

⁵⁷ “Kosanina mbelele Zyangu.” Elyo Bbaibbele lya kaamba kuti Petro wakali muntu buyo alimwi watakayiide. Ucisala beembezi.

⁵⁸ I mamembala aambungano ku mazuba ayo akale, a bapaizi, a nkamu ya bantu ya kayiide kabotu mu buzuba obo nibata keelela loko mu busena bwa cilido cabanyama. Lino, Nseli masimpe loko kuti bunji bwanu inga mwamvwisya (ndiza, nywebo nobantu ba dolopo) obo cilido ca Juda caka nunkizya mbuli, obo mbo cakali kuboneka, mbuli banyama mu cimpati eco, a obo mbo cakabede. Baa, bamwi aba beebeaka basunu niba takeelela mu busena ombuya, niba—niba taka sola kunjila mulyango. Pele caka botela Leza, kwiinda ku busongo Bwakwe bugoli, ku Ci yubununa kuli bali boobo banga ba Ci tambula. I basicikolo basongo, a bantu basongo ba buzuba obo niba taka Ci tambula ncobeni. Ba kaubausigwa loko kujatwa mu bsenia buli obo.

⁵⁹ Baa, busena butaanzi, ikuti niba kajokela ku mbungano yabo, alimwi niba kapa bumboni kuti bakajanika ku muswaangano uli boobo, a kusyoma nkamu ya beembezi batayiide kuleta zikankamanisyia cili boobo, bakali kunga batandwa kuzwa ku mbungano yabo. Ba kasowegwa kuzwa ku nsangano ya Betelehemu, ikuti niba kajata kaba swiilila cikama cili obo ca bantu bata kayiide mbuli aba beembezi mbo bakabede. Kuubausigwa, niba bakacitwa boobo ncobeni. Ikuti na bakali swaangene a bantu banamaleya bali boobo, alimwi mukuba...kuzumina buzumini obo bumbi mbuli kusyoma kuti Leza naka kaleta Mulumbe Wakwe ku cikama ca beembezi bata kayiide, kakuli bakali jisi zintuzyonse kazi bambilidwe ncico. Niba kasweekelwa bumembala bwabo, niba kacita kupa mu mapepa abo, alimwi teeba kakonzya kuzibwa akati ka bantu ba nkamu zyabo zya buzuba obo; nkaambo baka njilana a cintu cili boobo, alimwi kutali a mizeeza mibotu.

⁶⁰ “Ula camba!” mupaizi na kaamba. “Wa boola mu busena bwangu busalala okuno a buzumini bumbi obo, a bufuba obo, kuti bantu bamusokwe bata kayiide okuya abo taba...bata kainka ku...kwinda mu bbuku lya malailile. Elyo inga basyoma mulumbe uli boobo, kuti, ‘I Angelo wakaseluka a kukanana kuli mbabo?’”

⁶¹ Pele ino kuti muntu na kat, “Nda kabona Mulumbe wakwe kusimpikizigwa”?

⁶² Na kat, “Andi mupe cakufwambaana mapepa anu. Elyo amuzwe mu nkamu eyi!” Ziindi zilacinca, pele bantu taba citi. Antela inga nicaka citika alubo sunu, niba katandwa kuzwa mu mambungano abo.

⁶³ Pele beembezi bakalimvwa kabotu kumaninina mu busena obo a Kabelele ka Leza. Elyo kufumbwa mweembezi mubotu ulacita cintu nciconya. Cindi mweembezi mubotu ku mbelele nakonzya kubona Ijwi lya Leza kali tondezegwa antangalala a kusimpikizigwa, ca ceeco Nca kasyomezya kucita, oyo mweembezi uli nkoonya ku muunzi. Nse kwe ndaba eco umwi

umbi ncaamba, kuli “Leza waka Ci syomezya, nkabela Leza waka Ci cita.”

⁶⁴ Ba lati, “I mazuba aa maleele akainda. Takukwe cintu cili boobo mbuli Lubapatizyo lwa Muuya. Takukwe cintu cili boobo mbuli Lubapatizyo lwa Muuya Uusalala, olo lwa kali lwa baapostolo.”

⁶⁵ Pele kolekela mweembezi wini wa Ijwi ku Li kambauka, mu nguzu zya bubuke, kuti Jesu Kristo ngu mbobuca nguwenya, sunu, amuya myaaka! Petro wakati aa buzuba bwa Pentekoste, “I cisyomezyo cili kuli ndinywe, a ku bana banu, a kuli baabo bali kulaale, nobaba boonse Mwami Leza wesu mbayo ita.” Kufumbwa oko Nkwa ita, cisyomezyo a cilongezyo nciconya mbwini. Elyo kolekela mweembezi wini uusanina Ijwi mwabona eco cakasimpikizigwa, boonse basilwiiyo lwa bukombi mu nyika taba konzyi ku Ci gwisya kuzwa kuli nguwe; nkaambo ulizi kuti Leza wakaamba boobo, nkabela cila citika. Kwa mana. Ndi Ijwi buyo lya Leza lyoonse. Ijwi Lyakwe lyakaba mu mubili wabantu nkabela wakali kukkala akati kabo, nkabela tiiba ka Li ziba.

⁶⁶ Wa kasyomezya cintu nciconya mu buzuba buno. Nda libuzya ikuti na inga twa Ci ziba? I balisumpula a basongo kwiina noba katambula cintu mbuli ceeo. Elyo ba kasyoma ikuti na kwakali cintu cili boobo mbuli Mesiya aa nyika, Inga ncobeni caboola ku kabungwe kabo. Inga yaba nkamu yabo kuti iyo Li tambula, na “Tii lya kali luleme.” Lino, amuyeeye buyo canguzu ncobeni. Ikuti na tacili mu nkamu yabo, mpawo... Sena mwakabona, mpawo? Leza taakwe naka sala umwi kuzwa mu nkamu yabo, pele Wa kasala abo bata kaswaangene kuli imwi yayo. Nkaambo nkamu yomwe niya kati, “Nywebo mwabona nco twa kacita na?” Elyo bakali kunga balacita mbubonya sunu. Pele Leza ulasala muntu, ako nkekaambo Nca kasala mweembezi. I beembezi bakali ku ng’anda cakumaninina a kabelele ka Leza akati kabo, Ijwi Lyakwe lyakaba mu mubili wabantu akati kabo. I balisumpula a basongo tiiba ka Li tambula, baka beenguluka.

⁶⁷ Elyo inga twaamba kunji kwa sunu, na mu bukkalo buli boonse. Zya kali zintu nzizyonya mu mazuba akwa Martin Luther. Cintu nciconya mu mazuba akwa John Wesley. Zyakali zintu nzyoonya mu mazuba aba Pentekoste. Pele Leza taima nkambo ka kabunga ka muntu! Ula bikka Muuya Wakwe mpoonya aa kusimpikizya Ijwi Lyakwe! Ca keelede kuba a kuboola mu nkamu ya nkamu yabo beni nape tiiba ka Ci tambula. Mboli mbo bayumu mitwe loko sunu, mambungano oonse, kuti bayo “cita ceeci-a-ceeci, a kukamantana mambungano oonse antoomwe.” Ikuti na balangila mutumwa lino, nguni uukonzya kukamantana boonse ba Protestant, ba Katolika a Othodokisi, zintuzyonse antoomwe, kupanga mbungano yomwe mpati.

⁶⁸ Lino, bakwesu, Nda jisi coolwe ca kukambauka ku myaanda ya bukombi bwandeene, elyo kuli bantu babotu muli boonse babo. Pele lino, mula yeeya, Ndi sinsima, “Tubunga toonse tuyu elela kuzumina ceece, na kutaba kabunga. Nka kusungilizya nduwe.” Sena mwaka bala mutende wa Tucson sunu oko bapaizi ba Katolika nkoba kasala, mu mutende...kusala, mu Missouri, mupaizi muna Protestant? Elyo nguni wakali kuciziba? Presbyteria, Baptisti, Lutherani, a Assemblisi ya Leza. Ili mu mutende wa Tucson sunu.

⁶⁹ Oh, cilagambya! Takuli kuti muntu omuya, balo mbeendelezi ba zyabupaizi, a mfulumende bapilinganya cintu omuya, i ciyanza eco cimubikka muli ncico naa mula yanda na pe. To konzyi kuba kabunga a kuloboka bukali obu buboola aa nyika, elyo nywebo mwabona ikuti na eco tacili kabotu. Inga nkeno unkide cindi caakucitika, kucebuka ali imwi ya mateepu aya. Elyo mpawo ikuti na tii cakali obo, Ndime kamboni mubeji. Ikuti na cakali obo, Nda kaamba Bwini.

⁷⁰ Ni baka Ciita kuti “musyobo umwi wa kubeleka kwa muuya mubi” kulwana kuyeyya kwabo kuligama. Mula mvwa kunji loko sunu kujatikizya kuyeyya kusinizizye: mula bikka buyo mizeezo yanu aa cintu cili coonse, a kuyeyya kasimpe aali ncico. I dyabulosi inga wacita ceeco! Kuli cintu comwe biyo weendelezya zyoONSE, nkabela eelyo ndi Ijwi lya Leza. Ikuti na ueyeya kwiimpana ku Ijwi, koluba kuyeyya kwako. Koyeeya aa Ijwi.

⁷¹ “Mesiya,” ba kayeeya, “inga teebwa janwa mu busena buli boobo, busofwi mbuli obo.”

⁷² Sa inga mwayeeyela mupaizi, mubotu mupati, na mupaizi mupaizi, boonse bakayiisigwa kabotu mu lwiyo lwa bukombi, kuti niba kaselemukila ku cilido cakazwide buloko? Elyo amuzumine Mulumbe wa mweembezi, mubombe oyo wata kajisi lwiyo, alimwi inga wasika kwaamba “Mwabona, Nda konzya ku Ci tondezya kuli ndinywe, oyu ngo Muvwanda, oyu ngo Mutumwa”?

⁷³ Elyo mulizi eco bantu ncoba kalino amba? “I muntu ulasyomeka, uli sinizizye loko muli ceeco Nca amba, pele uli lubide cakumaninina!”

⁷⁴ Nda kabona bantu kabapona maumi mabotu boobu kusikila bantu tiiba kasyoma, teeба kakonzya kwaamba cintu kujatikizya mbabo, pele ba lati “Uli lubide cakusinizya. Ta zyi buyo eco ncaambaula. Leza, inga Ta cita cintu cili boobo mbuli eco.”

⁷⁵ Pele awa baka jisi citondezyo! Elyo citondezyo, “Koya kutala kuya ku cilido cabanyama a kubona ikuti na oyo Muvwanda talede awo.”

⁷⁶ Niba kati, “Mwa loogwa ku muuya umwi mubi, waka mucitya kwaamba cili boobo.” Nekubaboobo cakali

kweendelana ku Ijwi ly a Leza! Alimwi bakali ofweede loko ku Li bona, kaambo lwiiyo lwabolwabukombi lwa kabofwaazya. Ino nkucitika kwa kuusa kapati!

⁷⁷ “Kakwempwa mu busena buli boobo? Mu kunyongana mbuli oku mbo kwakabede? Mu cilido cabanyama?” Cindi niba kajisi busena buboto Bwakwe bwa kusika, ba kali bambide zintuzyonse Nguwe zya keelede kuboola, elyo mpawo kuyeyya kuti inga Uyo seluka (a kuunka) a kuta leta bamayi babo Mulumbe. “Elyo bayo Upa ku nkamu ya beembezi batayiide? Elyo mpawo kuleta Mwana Wakwe wini, alimwi Walo wakazyalwa mu ii—ii cimpatti? Ii cimpatti calyonse? Ee, mu i—mu cilido cabanyama? Baa, inga ticaba boobo!” Tiiba ka Li syoma, nkaambo Lya kali bombede loko.

⁷⁸ Alimwi Nda bubombe loko, nje nzila basongo lyoonse mbo bka Liiimpya. Ndyo bubombe loko, Lila banyonganya akubagambya. Ba kalangila Leza kulaale okuya, kakuli Uli mpoonya awa. Mwabona? Ba yandaula cintucimwi kulaale okuya, kakuli cili mpoonya awa a mbabo lino: Kristo, wakabuka kuzwa ku bafu, mbobuca nguwenya, sunu, amuya myaaka.

⁷⁹ Zyoonse zintu zyabo zipati zyaka indilila. Pele masimpe bwakali Bwini, kuti “ngoooyo Mesiya.” Tuli cizi sunu. Tula cisyoma sunu. Tula cizumina sunu.

⁸⁰ Pele mpawo ikuti na Leza wakasyomezya cintucimwi ca Krisimasi eyi, kasyomezya cintucimwi ku buzuba obuno, a kutondezya kuti Cili boobo, alimwi tu citantamuka kuzwa kuli Ncico, tuli buyo mu nkamu njionya balo (kaindi okuya ku buzuba obo) abo baka Ci indilila; nkaambo Ta ci—ta ci booli mu kubotelwa kwesu kwatubungwe. Aako nke kaambo nco tuli mu kunyongana boobu Krisimasi eyi.

⁸¹ Jesu Kristo ta fwide, Ula pona. Uli waano sunu! I Bbaibbele lyakati, “Ngu mbobuca nguwenya, sunu, amuya myaaka.” Wa kati, mu Musalali Johane 14:12, “Oyo usyoma Ndime . . .” (kutali oyo uli cengeezya, oyo *waamba* kuti ula syoma) “Oyo usyoma Ndime, milimo Nje cita uyo icita awalo. Elyo kwiinda yeeyi uyo icita, nkaambo Nda unka kuli Taata.” Elyo Nda ka Mu bona, mu buumi bwangu, kacita kunji kwa milimo (eyo Nja kacita kaindi) kwiinda kulembedwe mu mapeegi aa Bbaibbele eli. Elyo cilainka atala lya mutwe a basongo sunu, a kuyubununwa ku bavwanda abo bayo iya; mbuli Jesu mbwa kakombela. Nca bwini, Wa kacita kunji kwiinda Mbwa . . . Nda kabona mu buzuba bwangu, kwa myaka yangu iili makumi otatwe ayotatwe ya mulimo, Nda ka Mu bona kacita kunji kwiinda Mbwe kabala Nguwe kacita mu Bbaibbele; kunji kwa cintu nciconya.

⁸² Pele tacikwe makani eco Nca kacita kaindi, sena muyeeaya kuti ba Sanhedrini baka Mu syoma? “Ee,” ba kati, “uli mu mulao.” Pele, kajana kuti, oko nkoba kacita bulubizi bwabo bwa keelede kuziba . . . mukujana, kutali eco kayanza kabo

kabuzumini nco kaamba, pele eco Ijwi ncolya kaamba kuti Mesiya uyo cita mu buzuba bwabo. Elyo mpaawo mpo tu lubizya sunu, kutali kulingula Magwalo. Jesu waka baambila, “Amulingule Magwalo, muli Ngawo muyeeya kuti mujisi Buumi Butamani, alimwi Nge Ngawo ayo aa Ndi lungulula. Ala mwaambila kuti Ndi Meni.”

⁸³ Amubone, Leza wakalizikale kuti bayo cita ceeci, nke *kaambo* Nca ka Ci tola ku beembeli. Wa kalizi kuti taba kaciciti, niba taka Ci tambula. Lino sena mwabona kaambo nco cakeelede kuba beembeli? Nkaambonzi beembezi? Basilwiyo lwabukombi niba taka Utambula. Baa beembezi alubo? Sa inga Ca boola kwiimpana ku Ijwi Lyakwe? Peepe! Ba kali beembeli, ba kalizi mbelele; alimwi obo Mbwa kazyalwa, mbelele, kabelele. Amubone, Wa kali Kabelele. Ba kali—ba kali buyo musyobo oyo wakali kuyo Mu zamina. I mweembezi wakali cintu buyo cakalino tambula Kabelele. Ba kalizi nzila ya ku Ci bamba, alimwi mbo cibede sunu cindi twa jana Mulumbe wa Kabelele.

⁸⁴ Lino kuboteleya! I muntu mubombe maningi, wata kayiide kakomba Emanueli mu cilido cabanyama. I bunji... Elyo kwakali bantu okuya, ku mazuba ngaonya, kuyiisya lwiyo lwabo lwabukombi. Makamu mapati, kakwela koonse, kuzwa ku cisi coonse, ba kaboola ku zituuzyo ezyo Jehova nzya kaamba zyakali “zigomo mu mpemo Zyakwe.” Elyo mpaawa kwakali beembezi babombe, mu cilido cabanyama, Emanueli; Leza Mwini wakaba mu mibili wabuntu, a kalede mu cimpati. Mwabona, obo mbo tu jisi kwiiya kwesu kupati, a mitwe yesu kaijoncomene kusule mbuli mbo tuzi cintucimwi, alimwi Leza kwinda ku mwaakwe cintu coonse. Mwabona? Ula cita eco Nca syomezya kucita, alimwi lyoonse Ula cita eco. Pele amuyeeye beembezi aba baansi okuya eno kabakomba Emanueli... Emanueli mu cilido cabanyama. Cila botelazy ka pati. Masimpe cilacita!

⁸⁵ Mpawo kuzwa... Niba kamana ku Mu yamya, a kumvwisya kuti Mulumbe oyo ngo bakali kukambauka waka simpikizigwa, mbaabo we... kali zwide kabalumbaizya Leza a Mulumbe uutakwe busyome loko wa Angelo. Lino amweezyanisyé eco a sunu. Amuleke buyo aniini a kuyeeya. Muntu kayabulula Leza, a ku Mu lumbaizya nkambo ka ceeco nciba kabona, eco nciba kamvwa, eco ncobakazi cakali ca Bwini, a Mulumbe oyo wakanyina busyome ku mizeezo yabupampu. Ca kaliimpene ku kuyeeya koonse kwa bupaizi, elyo nekubaboobo bwakali Bwini! Bwalo Mbwini! Ba ka Ci syoma. Elyo lino, obo cabufuba mbobunga bwaba busongo bwa muntu! Mpawo kwaamba kuti kkwaya lya Baangelo lya kabaimbila krisimasi mutaanzi. Sa inga mwa ciyeeyela eco? Oyo mweembezi wata kali kukonzya kusaina zina lyakwe, kanunka mbuli caanda cambelele, kaselemuka mu kagwagwa, kaongolola, “Bulemu kuli Leza Sijulu lyajulu! Tu lizi kuti Uli aa nyika!”

⁸⁶ I mupaizi wakati, “Oyo muntu takkwene mu mizeezo yakwe. Amulange ku mabbuku a kubona ikuti na ngu cizo ca mbunga yesu. Ula tusampuzya ncobeni kwiinda ku kuyiisya kwakwe cakutalemeka. Mugwisye kuzwa kuli ndiswe. Ta tuka usi bweeme akati ka bantu.”

⁸⁷ Ee, inga wausansonni aakati ka bantu akupipegwa bulemu mu busyu bwa Leza; na kubweza kusala kwako, nkaambo, amuyeeeye, kubotelwa kwa bupaizi bwa buzuba ta kweeleli ku Ijwi lya Leza. Takukwe kubotelwa kwa zintu ziindene zili myaanda ili fuka amakumi ali cisambomwe afuka zya Ndilyo. Kwalo nkubotelwa komwe, Ijwi lyomwe, Leza omwe. Kwa mana.

⁸⁸ Kwaamba kuti Baangelo bakaimba lwa krisimasi lutaanzi kuli mbabo, alimwi akwalo kabaamba kuti ba “jisi Mulumbe kuzwa kuli Angelo.” I Angelo wakalibonya kuli mbabo, waka bapa Mulumbe, nkabela bakaunka a kujana kuti Mulumbe wakali Bwini. Elyo kwaamba kuti, “Kunze lyaceeco, Angelo wa kaimba krisimasi ntaanzi kuli ndiswe.”

⁸⁹ “Sa inga mwayeeyela?” Ba lati, “Oyo mulombwana uutakweankwaya.” Niba taka jisi cintu cili coonse mbuli ceeco kucitika akati kabo, nywebo mulizi, aboobo yakali njiisyio igambya kuli mbabo. Elyo nke kaambo nciba takali kukonzya ku Ci jana mu Magwalo, tee cakali cabu ku Ci jana. Citakwe busyome ku basongo, kwiina luzibo luli boobu lwakasola kucitika kuli mbabo. Bwatakasyomwa, pele nekubaboo Bwa kali Bwini. Bwalo Mbwini, tu lizi kuti Bwalo Mbwini. Amuyeeye! Basanduki bataanzi iba Kristo a mbunga ntaanzi bakali bambelele, kutali bapaizi; beembezi ba mbelele, basimatanga. Nkaambonzi beembezi?

⁹⁰ Amubone! Kulumbaizya a kulemya Leza nkambo ka ceeco nciba kabona a kumvwa, kamvwa Baangelo kabaimba ciindi cabu citaanzi ku muntunsi. Baangelo tiiba kaimba ku muntunsi kakutanaba. Elyo amulange makkwaya, obo mbo bakaima a kuyiisigwa a kuyiisigwa majwi ayo, “bakali kunga baimba ku kuzyalwa kwa Mesiya,” elyo boonse ba keengulukwa! Elyo Baangelo bakaseluka a kwiimba kuli bamatanga bazizilwe, kutali kaba samide zisani zya bupaizi, pele kaba samide zisani zya beembeli. Elyo amulange oyo ujisi Mulumbe mutaanzi, ta ukwe busyome.

⁹¹ Elyo awo mpo cakapegwaa, kutali mu cikombelo ca cooko, pele mu nkanda, omuya mu nkanda omo Angelo wa Mwami nkwa kaboola. Kutali mu mbungano, mu nkanda. Ta katambwidwe akwalo mu mbungano. Ba kali kuyeeya kuti Mbwa kabede, alimwi ba kali kuyeeya kuti bakali Ci jisi, pele Leza wa katondezya kuti cakali lubide. “Ula konzya ku mabwe aya kubusya bana kuli Abrahamu.” Mbo mbubo.

⁹² I ciindi citaanzi Baangelo noba kasola kwiimba a kusekelela, cakali ku Julu. Ikuti na mwalanga muli Jobu 38:7, (mbuli Mbwe

bona bamwi banu kabalemba), cindi Leza nakakanza lutaanzi ku kubamba bulenge Bwakwe butaanzi, nyika. Jobu wakali muntu, mulemu mucenjezu, alimwi wa kajisi misyobo yoonse ya busongo. Wa kati, "Cindi Nda inka kutala ku musika, basibwami bakubusyi, bonse balandi fugamina, akuyanda buyo kaindi ka busongo bwangu." Elyo ta kakonzya kumvvisia kaambo nca keelede kulanganisiga nzila mbwa kabede.

⁹³ Elyo aboobo Leza waka mubuzya, kati, "Ko lisamika lwako mbuli muntu, nkaambo Nda seluka aansi kuzo ambaula kuli nduwe." Elyo cindi Leza nakaseluka mu kambizi, Wa kati, "Jobu, wakali kuli Nke tana bikka intalisyo zya nyika? Cindi ntanda zya bucedo nizya kaimba antoomwe, nkabela bana ba Leza bakoongolola nkambo ka lutangalo, ino wakali kuli mpawo, Jobu?" Elyo wa kabusigwa ku ciindi eco. "Wa kali kuli?"

⁹⁴ Mwabona, ciindi citaanzi Baangelo noba kasola kwiimba ku kusekelela, kwakali ku Julu. Pele ciindi citaanzi niba kasola kwiimba aa nyika, kwakali ku beembeli ku kuzyalwa kwa Leza, Emanueli aa nyika; bantunsi bataanzi bakasola kumvvwa Baangelo kabaimba, bakali beembeli babombe.

⁹⁵ Cindi twa bweza banakazi besu ba masyu aapentedwe, masusu ageledwe, kaba sama tubbudula, a ku zuzya musyobo umwi wa cikobela ca mbungano aali mbabo, a ku baimikizya a kwiimba mbuli cintu cimwi, elyo mpawo tu yeeya kuti Leza weelede kuswiilila kuli ceeco? Uli jisi Baangelo kaindi eelyo abo bakonzya ku Mu sangabalisya kuzwa i... Ka tana sola kuba muntunsi. Uh-huh. Kozwa a kupona... a kusama zisani eco ncisesemyo kuli Leza, aboobo mbobuti mbo konzya kulangila eco kuba ca Leza? Yebo watu, "Ee, Ndi zulilwa ku..."

⁹⁶ "Ino wakali kuli cindi Ne kabikka intalisyo zya nyika? Amu Ndaambile awo Mpe kabajata. Ali kuli agabila mpo zizungulukila? Wakali kuli kaindi?" Muyeyya kuti Leza weelede ku tulomba busongo bwesu bumwi. Busongo bwesu buyo bufuba kuli Nguwe. Ula cita eco Nca amba kuti Uyo cita.

⁹⁷ Lino amubone, Leza ulibambilila kupanga bulenge bumbi. Walo ulenga nyika iifwika, buumi bufwika. Baangelo baimba ku Julu. Pele ngooyu Uli mukulenga Buumi bupya, Buumi Butamani bwa muntu, alimwi Ula imba ku balelwaa Bakwe kwiinda mu Baangelo; aa nyika, kutali ku Julu. Julu lya kajisi Buumi Butamani. Mwabona? Elyo Wa kaimba... ba kaimba ku Majulu, cindi bulenge bufwika bwa njila; elyo mpaawa bulenge butafwika buli mukunjila, elyo lino buli mukwiimba ku bantu baansi. I ciindi citaanzi, ku beembezi. Cilaboteleyza, embo na?

⁹⁸ Wa katalika bulenge bupya. Ino cakali cinzi? I bulenge Bwakwe. Leza wakaba mu mibili wabantu a kukkala akati kesu. Eco... I Bbaibbele lyakati, "Ku matalikilo aa bulenge bwa Leza." Leza wakalengwa mu ciimo cabuntu; muli Jesu Kristo, Mwana Wakwe, Leza wakkala. Wa kayaka cikombelo

Cakwe ca nyama a mafuwa, a kuponena mu cikombelo eco; Leza, *Emanueli*, “Leza andiswe.” Wa kaliyaka Mwini kuba ng’anda, yakupona muli njiyo, kutegwa Ka konzya kutondezya Ijwi Lyakwe ku balelwa Bakwe kwiinda muli eyo. Nywebo mulizi obo Leza mbwabede, cindi mwabona Kristo.

⁹⁹ Amuyeeye, lyoonse kuli kwiimba a kuzyalwa kwa mwaami. Mbangaye bazi obo? Mubwini, mwa kacita. Ee, lino, sena muyeeya kuti Mwaami oyu nakazyalwa kumusanza okuya, mwanakazi wakali kunga waboola kazuza kunjila cikombelo cipati kubusena bumwi, a kwaamba, “Kobamba bulo cakufwambaana ncobeni, a kubweza madokotela, nkaambo Ndiyo leta Emanuele ku nyika”? Ii mwanakazi uutakweankwaya kuzwa mu Nazareta, muunzi wakaubaukide maningi, i... silunya kwiinda Tucson na kufumbwa umwi wabo, elyo nekubaboo oyu mwanakazi muniini uboola kazuza kutala kuya ku mupaizi mupati a kwaamba, “Ndi—Ndi tandila kupa kuzyalwa kuli Emanueli.” Ba kali kunga bamusowela mu ntolongo. Ba kali kucita ncobeni. Ba kali kuyanda ncobeni. Ku buzumini obo bumbi mbuli obo kuletwa akati ka bantu bakwe, na taka ciiminina. Akwalo inga taacita sunu. Pele mbubonya buyo mbo cicitika, mbubonya buyo.

¹⁰⁰ Amubone, kuleelede kuba kwiimba. Bami bakali... Na taka imbilwa. I bantu niba takaimba kuli Nguwe, nkaambo teeba ka Mu syoma. Elyo ako nke kaambo... Ngooyu Wa boola, inga akwalo wa Ujana. Ako nkekaambo sunu bantu ba fwabweeme ku lumbaizya Leza, ba fwabweeme kuli Kristo! I bamukamwini bapati taba katambuli Lubbizyo lwa Muuya Uusalala, bali kkede loko mu nzila yabo yabupaizi cakuti tabaka Li tambuli. Leza uyo jana muntuumwi oyo Mwa konzya kujanina kulumbaigwa kwinda muli nguwe. “Ula konzya ku mabwe kubusya bana kuli Abrahamu,” mbuli Mbwe balulula Johane alubo.

¹⁰¹ Amubone, balelwa Bakwe beeleded kwiimba kuli Nguwe. Elyo balelwa Bakwe mpawo bakali Baangelo Bakwe, elyo ba kaimba ku beembeli Bakwe abo bakeelede kutola Mulumbe Wakwe.

¹⁰² Nguni weeleded ku Li mvwa lutaanzi? Mubwini, balelwa Bakwe. Abo mbaabo bayo mvwa kwiimba kwa Mwaami lutaanzi, inga baba balelwa Bakwe. Elyo niinzi balelwa Bakwe? Kubaanga nkuma, embo na, bakwesu? Tii bakali bapaizi Bakwe. Tee bakali basilwiyo lwabukombi. Mbo mbubo. Tee bakali bantu bakabungwe. Peepe, bakali beembeli. Nkaambonzi? Kwakali mbelele zyakazyalwa, ako nke kaambo. Mwabona? Balelwa bakwe baka Li mvwa, abo Leza mbakazi bayo syoma. Leza wakatuma Mulumbe Wakwe kuli baabo bakali kuno Usyoma. Ngu busongo boonse; Uli zyi oko kwakutuma Mulumbe Wakwe, oyo uyo Usyoma. I Sijulu waku Julu wakatumwa ku bantu baansi maningi atala a nyika.

¹⁰³ Jesu wakati, muli Matayo 5, "Balacoolwe abo bacete mu muuya, nkambo mbubwabo Bwami bwaku Julu." Maria, mu... Ikuti na mula lemba Magwalo, oyo ngu Matayo 5. Elyo ikuti na mula lemba Magwalo... Eco Nce lembede awa, alo Magwalo.

¹⁰⁴ Maria wakati, muli Luka 1:52, cindi na kananikwa a Muuya, Muuya Ususalala aali nguwe, waa kati, "Wa kabasumpula digrii lyaaansi." Maria wakaamba obo, banyina Jesu, kati, "Wa kasumpula abo ba ziimo zyaansi maningi."

¹⁰⁵ Luka awalo wakati, "I bantu banamaleya baka Mu mvwa munzila yakubotelwa." Kutali i—i elyi, i—i basilwiyo lwa zyabukombi, bamaiyi ba mulao a wa zyabukombi; pele bantu banamaleya baka Mu mvwa cakukkomana, bantu ba ziimo zyaansi maningi.

¹⁰⁶ Kwiinda moonse mu Magwalo asetekene, Mulumbe wa lununuko wa pegwa kwiinda ku beembezi a kwiinda mu mbelele.

¹⁰⁷ Lino Nde elede kusika ku kujala, nkaambo tuyu busika ku ciindi cakujala. Ndiya bwaindilila Magwalo manji kutegwa Ndi konzye kumubamba kumvwisya muzeezo oyu.

¹⁰⁸ Kwiinda mu Lugwalo loonse, lununuko lwaimininwa kwiinda mu beembezi a mbelele. Mbo mbubo. Toonse tula zuminana kuli ceeco. Nkaambonzi? Ca kali mu cimvule a cikozyanyo. Elyo kufumbwa cintu... Ikuti Ne takabona janza lyangu, elyo Nda kalanga ansi awa aa cimvule ca janza lyangu, elyo Nda bona Nda kajisi tunwe tosanwe, Inga ndaziba kuti cakali kutondezya; cikozyanyo cakali kutondezya cintu cini. Elyo nke kaambo Mulumbe lyoonse ncowa kaboola ku... lununuko kwiinda ku mbelele, nkaambo kuzwa nkoonya kumatalikilo... Elyo cakali kwiinda mu mbelele, alimwi kwiinda ku beembeli, kuti Wa kalyubununa Mwini. Zyoonse zyakali zimvule a zikozyanyo.

¹⁰⁹ Lino atu lange ku matalikilo. Adamu a Eva, kabaimvwi kuya mu busyu bwa Leza kumvwa Mulumbe Wakwe kuli mbabo, bakali vvwabikide zikutu zya mbelele mu zibuno zyabo. I Mulumbe mutaanzi wakasolwa kumvwugwa, waka pedwa atala lya cikutu cambelele ciyumu, kuti Leza waka jaya a kuvumba Adamu a Eva muli ncico. Niba kamana kusola kubamba bukombi bwabo bwa matu aa mukuyu, tii bwaka beleka. Cituuzyo ca mbelele cakacitilwa kuba mulungo kuzwa ku matalikilo ngaonya, cituuzyo ca mbelele.

¹¹⁰ Lino, tuyu jala eci eno, a kumutondezya kaambo nco cakeelede kuba beembezi; elyo baa ca keelede kuba, Wa keelede kuba mbelele.

¹¹¹ Lino, basinsimi ba Cizuminano Cakale bakali vungaila lwabo mu zikutu zyambelele (tu lizi obo, uh huh), kutondezya lusyomo lwabo mu Ijwi Lyakwe lya Kabelele kalondokede kakali kuboola. Nke kaambo ka basinsimi.

¹¹² Lino, Ijwi lya Leza tali booli kuli silwiiyo wa zyabukombi, kwiina i...ngu—ngumwi Li nyonganya. Mbo mbubo. Takukwe cintu cili boobo mbuli kusola kwaamba... Yebo wati, “Ee, oyu mulombwana ngu silwiiyo lwabukombi.” Eco cimubikka buyo kulaale kuzwa ku Ijwi kwiinda cintu cili coonse Nce zyi. Mwabona? I Ijwi lya Mwami Leza, Leza uutasanduki, tacinci. Kuli koonse mu Bbaibbele, Ijwi lya Leza lyoonse lya kaboola ku basinsimi. Kutali kuli basilwiiyo lwabukombi na bamaiyi, ku basinsimi! Alimwi lyoonse bakali, ciindi coonse, ba akakwa aku tantamukwa.

¹¹³ Basinsimi kanji bakali basikweembela abalo. Basinsimi bakali vwabikide zikutu zyambelele, nkaambo bakalikusama zikutu zya mbelele nzobakali kweembela. Elyo mulumbe mutaanzi, ku i—i—i nzyalani yakapegwa mulandu, yakali atala lya zikutu zyambelele. Basinsimi, Nda amba alubo, bakali kulyaanga zikutu zya mbelele zilengelela, nkaambo bakali kulungulula kwiinda kuli ceeco, kuti bakasyoma kuti kwakali kuboola Kabelele uulondokede ku cituuzyo eco. Elyo Ijwi lya Leza lyaka baselukila aa mpela lya zikutu zyambelele. Aba basikweembela...na aba basinsimi kanji bakali basikweembela. Abrahamu wakali sikweembela. Izaka wakali sikweembela. Jakobo wakali sikweembela. Musa wakali sikweembela. Davida wakali sikweembela. Boonse baiminina ba Leza kanji bakali beembezi.

¹¹⁴ Lino tuyu ziba kaambo nco ciboola ku beembezi. Ba kalizi kuti mbelele tazigwasyi kakutakwe mweembezi ku zisololela. Balo...mbelele tailigwasyi nconzyo, tai konzyi kweenda ailikke. Ako nke kaambo Leza wakakozyanisyva bana Bakwe basyoma ku mbelele. Beelede kusololelwa. Pele amulange eco cimweenzya! Muta bwezi mpongo, iyo kutola ku cijailo. Leza kwiina naka tupa mpongo, Wa ka tupa Mwana Wakwe (Muuya Uusalala) ku tweenzya. Walo Mweenzyi wesu, kutali beembeli bamwi bakapangwa aabantu, pele sikweembela matanga wakapegwa a Leza ula sanina mbelele kubelesya cakulya ca mbelele.

¹¹⁵ Lino, bweza ngulube, a kwaambila ngulube eyi kuti, “Ndiyo kusandula kuba kabelele.” Elyo wa isanzya. Alimwi wai penta nsumba yazzo, a—a zimwi zimbi. Elyo kumupa cakulya mbuli mbelele, kumupa musyobo umwi wa i—i musyobo wa cidyobedyobe. Elyo kumubikka aa cibuye na aanze mu i...awo i—i tanga lya mbelele, mu muunda wa alufalufa na cintucimwi. Alimwi ikuti na kuli dindi lya ntimba ali onse, eyo ngulube iyo unka ncobeni ku dindi elyo lya ntimba mbuli mboi konzya kwiinka. Mwabona? Nkaambonzi? Nkaambo bupange bwakwe bucili ngulube.

¹¹⁶ Elyo nke kaambo abo bamamembala ba mbungano, sunu, banjila mububi bwa zintu zya nyika, mwabona, nkaambo bupange bwabo tabuna cinca. Ba yoolya musyobo uli oonse wa

cilebyo ca lwiiyo lwa zyabukombi, pele Ijwi ly a Leza taba konzyi ku Li zunda. Bayo njila a kuswiilila ku Ijwi . . .

¹¹⁷ Nywebo mulizi, sikuupaupa mupati kwiinda mu nyika, ngu cikwaangala wakaindi. Mu Bbaibbele, kwakali mazwido obilo mu bwaato. I cikwaangala wakaindi wakazwa nkabela taakwe naka joka, nkaambo ngu kkubi, sikubwezelela. Ula kkala atala ly mibili ya mitunta ya kafwa akuzuzya da lyakwe ku mitunta ya kafwa. Pele cindi na julila nziba, nziba teeya kakonzya kuzunda kununka obo, aboobo waa kabweeda ku ng'anda ya Taata a Nowa, a kuuma ku mulyango kusikila Nowa wa mulekela kunjila.

¹¹⁸ Lino, cikwaangala inga wakkala awa a kulya mbizi iifwide, buzuba boonse, a kuuluka kuya mu muunda a kulya nseke a nziba. Pele nziba tai konzyi kuulukila okuya a kulya mbizi ifwide, elyo mpawo kulya nseke; inga ya mujaya. Mwabona, nziba tai jisi mululwe uli oonse, nkabela tai konzyi ku utamfunya.

¹¹⁹ Elyo cindi nziba ili yoonse ya Leza, nziba ili yoonse kailya Ijwi na mbelele, munyama uusalala, cindi wainka kuyo bapa zintu zya inyika, zilizi Simalela wabo wakati, "Oyo uyanda inyika na zintu zya inyika, luyandisyo lwa Leza taluli muli nguwe akwalo." Wa kamupa cintucimwi ciimpene ku Ijwi eelyo ly a Leza, ta konzyi ku ciiminina. Pele dyabulosi inga wabweza Eco a nyika ayalo, a kuciita coonse ca Leza. To konzyi kusanganya mafuta a maanzi, ta zikasangani buyo.

¹²⁰ Balo, bonse aba beembezi, baka lizyi kuti mbelele tii zyakali kukonzya kuligwasya kakutakwe mweembezi. Elyo bakali beembezi, a kuziba kuti wa keelede kweenzegwa.

¹²¹ Ino cuusisya mbo cibede kubona, sunu, kuti basola kusanina mbelele, bbalopu. Pele mbelele tazi ka zilyi. Peepe, munene! Mwabona, ba kali kusola kusanina mbelele, kusule okuya, kaambyo. Elyo cindi Ijwi lyaboola, Ba kazibila loko ku makololo, tiiba kalizi Ijwi. Elyo mbo cibede sunu, cindi cintu nciconya cakasimpikizigwa a kutondezya kuti Leza uyo cita cintu cimwi. Mpawo bakali zibide loko ku makololo, a kusaninwa makololo, kusikila wa . . . ee, takukwe kwaambaula kuli mbabo, taba ka Ci swiilili buyo, kwa mana. I mubwa . . . Bbaibbele lyakati, "Mbuli mubwa mbwajokela ku malusi akwe, a ngulube ku ntimba yayo, mbubonya mbo bacita."

¹²² Komvwa Ijwi, a kujokela nkoonya ku ntimba njiyonya yakaindi! Elyo kwaamba, "Aah, Ngu ciimo cakwiindilizya. Utu syomi cintu cili boobo mbuli eco."

¹²³ Leza . . . mbelele zilacita mbubonya asunu, zyeedele kusyoma mu cilyo ca Ijwi. Ta zikalyi cilyo cimbi pe. To konzyi kubapa cilyo cabupaizi, mbelele zini. Peepe! Peepe! Kamuya muka baambile, "Lino amulange, toonse tu yooba antoomwe. Lino, Jesu waka komba kuti toonse tu konzye kuba 'bomwe.'"

Mwakamvwa buyo cintu nciconya ku Tucson kutali ciindi cilamfu cakainda, mazuba masyoonto ainda, pele mbubeji! Jesu taakwe nakapaila . . . Mbobuti Mbwa . . . Mbobuti mbo konzya kubamba Ijwi kupa mulandu Lini, kujokela cabubi aali Lwalyo? Mpawo Leza taindi muntu umbi.

¹²⁴ Jesu wakati, “Mbобuti bobilo mbo bakonzya kweenda antoomwe citakuti bazuminana?” Mbобuti mbo muyo bweza Methodisti, Baptisti, Presbyteria, a Katolika, a kwiisowa yoonse antoomwe a kuba bomwe? Inga konoli omwe kunsi lya mutwe wa muntu, pele Jesu wakati, “Kutegwa babe bomwe akwalo mbuli—mbuli *Ndime a Yebo* tuli bomwe.” Lino, Walo uyanda ndiswe toonse kuba bomwe muli Nguwe lili ndi Ijwi! Amen! Nceeco we, “Umwi a Taata.” Elyo Taata Mwana, ngumwi buyo. Elyo ndi Ijwi ndilyonya, i Ijwi lya kayubululwa, kalitondezya Lini mu buzuba obuno mbuli Mbo lyakacita mu buzuba bumwi bumbi buli boonse, kuti inga waba omwe.

¹²⁵ Amubone, Wa kati, “Mbuli Taata mbwa ka Ndi tuma, mbubonya Nda mutuma.” I Taata oyo waka Mu tuma, kainka muli Nguwe kusimpikizya Ijwi. Elyo nguonya Jesu oyo uutuma bantu Bakwe, ula njila mu bantu abo Mba tuma; a kwambla, “I milimo Nje cita, muyo icita anywebo.” Masimpe, Wa kakomba kuti tu yooba bomwe; bomwe a Nguwe, kutali kuba bomwe a kabunga. Kutali bomwe a ciyanza, pele bomwe a Leza. Nkambo Leza mu Ijwi Lyakwe Ngumwi, alimwi Jesu a Leza bakali Bomwe, a ndinywe a Ndime a Ijwi beelede kuba bomwe. Mbo mbubo. Twe elede kuba bomwe mu kuzuminana a Ijwi. Kutali eco muntuumwi umbi ncaamba, obu tabuli bupanduluzi bwa kumuntu omwe. Amu Li bweze, eco Nco caamba, a ku Li syoma; nkabela Leza uyo Li simpikizya, a kutondezya kuti Lili luleme. Muyeyea kuti Nca basikwiyya buyo, kubweza Ijwi Lyakwe kuli ncico, kuunka kuyo cisola lomwe a kubona. Muyo jana kuti ciyo beleka nkambo ka ndinywe mbubonya buyo mbuli Mbwa kasyomezya. Iiyi, munene!

¹²⁶ Ta kalyi makololo, zyeede kuba a cilyo ca mbelele. Musalali Johane 10 ila lungulula kuti, “Mbelele Zyangu zilizi Jwi Lyangu.” Elyo ikuti na Walo ndi Ijwi, mpawo ino musyobo nzi wa Jwi Ngwa jisi? “Mbelele Zyangu zilizi Jwi Lyangu, beenzu tazika batobel.” Mwabona? Jesu wakati, “I jwi lyeenzu inga teezya litobela.” Aboobo, mbelele Zyakwe tazitobeli jwi lya mweenzu. Ta zika zitobeli.

¹²⁷ Basinsimi, beembezi, a mbelele, zyoonse zilungulula zya kuboola.

¹²⁸ Lino amubone Leza uutasanduki mu mabambe Aakwe aattsanduki ajatikizya Ijwi Lyakwe ku buzuba obuno. Lino amuyeyea buyo maminiti masyoonto: Ijwi litasanduki.

¹²⁹ Lino amulange! Ikuti—ikuti na Musa naka boola a mulumbe wa Nowa, niwa taka beleka. Ikuti na Johane Mubapatizi naka

boola a mulumbe wa Musa niwa takabeleka. Ikuti na Jesu naka boola a mulumbe wa Musa na Nowa, niwa takabeleka. Elyo Wesley wakasika a mulumbe wa Luther, niwa taka beleka. Ikuti na Pentekoste ya kaboola a mulumbe wabana Wesleyani, niwa taka beleka; twa kamvwa buyo oyo kaupa bumboni. Lino, Leza uzumanana buyo kweenda. Amulangilile buyo Ijwi, mula bona awo mpo tubede.

¹³⁰ Mpawo nkaambonzi beembezi niba takapa kwaambilizya... Ikuti na boonse aba basinsimi, boonse aba bantu bapati bakali beembezi, mpawo nkaambonzi Leza ncaeledge (Umwii uutasanduki) kucinca nzila Yakwe mpoonya awa, a ku Ci leta kuli basilwiiyo lwabukombi? Bakali beembezi. I kusika kwa Kabelele uulondokede, cipaizyo ca zibi, ceelede kuboola ku mweembezi.

¹³¹ I mweembezi ulizi mbelele zyakwe kabotu kwiinda muntu uli oonse umbi. Taakwe muntu uuzi mbelele mbuli mweembezi, uli yiide kuli njiyo. Akwalo baka luuzi musyobo wa cakulya ngo bakeelede kulya. Ba... wa kalizi eco mbelele ncozya kali kulya, alimwi uli zyi mbelele zyakwe kwiinda kuli ceeco ncozilya. I... inga wabona mbelele kuunka ku caanda ca buloko akutalika kulya buloko, inga wati, "Gwisya eco cintu cibwezelela." Mwabona? Aboobo Leza wakali oko kwa kuzituma.

¹³² Lino atwi ite umwi wa basinsimi beembezi bapati iba Jehova, ku kusimpikizya kuti Leza wakali mu basinsimi aba kunsi lya cikutu cambelele. Amulangilile lino. Tuyo ita, lutaanzi, Musa. Atu mulange. Mulimo wakwe uyo tutondezya Jehova mu musinsimi Wakwe mweembezi. Lino, tuyo bweza buyo ndiza omwe, ikuti na tu jisi ciindi, kutandila maminiti atobela ali kkumi. Tuyo bweza bobilo babo, pele ndiza oyu uyooba kabotu.

¹³³ Musa; Jehova ulalondezya Mwini awa, mu musinsimi mweembezi oyu. Wa kapegwa zipego zyotatwe zya kusimpikizya mulimo wakwe a kwiitila baalu ba Israyeli, a kuli Farao. Amubone oyu musinsimi mweembezi, lino. Wa kapa, lyoonse, basinsimi Bakwe, citondezyo cigambyaciinda, ku kusimpikizya kuti wakali Leza muli mbabo; nkambo taku konzyi kuba busyu bwa Leza kakutakwe zintu zigambyakwiinda kicitika. Taakwe Jehova nakasola kulibonya kakutakwe cigambyociinda ku Mutobela. Ci leeledge kuba. Aboobo lyoonse Wa kali simpikizya Mwini kuti Wa kali a basinsimi aba, kwiinda ku kusimpikizya eco neco bakali kusinsima, ikuti na cakali kweendelana ku Ijwi Lyakwe.

¹³⁴ Lino, i citaanzi—i citondezyo citaanzi Nca kapa ku i... oyu musinsimi-mweembezi (amulange), wakasandula musako wakwe ku nzoka.

¹³⁵ Cibili, janza lyakwe lyakasanduka kuba cinsenda.

¹³⁶ Catatu, ku gwisya maanzi kuzwa ku Mulonga Nile mu Egepita, elyo kuusandula kuba wa bulowa.

¹³⁷ Lino, Wa kamupa zitondezyo zyotatwe zya kusimpikizya ku Egepita, akwalo kuli Israyeli, kuti wa kali Ijwi lya Leza lyakaambwa.

¹³⁸ Lino, amuyeeye, Musa wakaita mu bulenge! Mbo mbubo. Kabweza musenga a kuusowela mu luwo, a kwaamba, "A kuboole ntabwa," nkabela ntabwa zya kaboola. Kati, "A kuboole nzinini," nkabela nzinini zyaka boola. "A kuboole baculwa," nkabela baculwa bakaboola. Wa kaleta mu bulenge! Lino, muntu takonzyi kulenga, pele takali muntu kuzwa kumatalikilo. Wa kali Jehova mu mweembezi Wakwe musinsimi! Amen!

¹³⁹ Amulangilile! I citondezyo catatu Wa kamupa tii cakapegwa ku ncito yakwe, naanka kuti cakapegwa ku muntu wakwe; citondezyo cakwe catatu. Amubone, zitondezyo zitaanzi zyobilo zyakali swaangene kuli nguwe, mwini a ncito yakwe. Elyo kwakali zitondezyo buyo zyobilo ezyo Bbaibbele nzo lyaamba kuti "kajisi jwi." I citondezyo cimbi tii caka jisi jwi. Pele zitondezyo zyobilo zya kapegwa kuzwa ku muntu wakwe mwini, a ku bantu bakwe, zya kajisi majwi. Pele citondezyo catatu, lino amubone, caka pegwa... i citondezyo, citondezyo catatu, cakali citondezyo ca lufu: maanzi kasanduka ku bulowa. Ikuti na bulowa bwako—ikuti na bwako—ikuti na bulowa bwako bwasanduka kuba maanzi, nkokuti muyoofwa. Elyo awo aali bulowa, bwakatika bulowa, ngu citondezyo ca lufu; aboobo ca kali kuli Farao. Catatu cakali caku sandula maanzi aku Naile kuba bulowa, wa keelede kutondezya—ku tondezya Mulumbe wakwe kuli Farao kuti Leza wesu ngu Leza weendelezya Nile, weendelezya kaleza ka Nile. Ngu Leza weendelezya zintuzyoonse, alimwi Uyo leta lufu ku cisi eco. Alimwi eco ncecico citondezyo ca bulowa mbo cakabede. Oh, ma! Citondezyo cigeme ca lufu: bulowa!

¹⁴⁰ Pele ambi majwi obilo aka jisi majwi aa businsimi. (Nda—Nda syoma mula bala lino, akati ka mizila, eco Nee wamba.) Pele zitondezyo zyobilo zimbi zya kajisi majwi a zinsinsime kuli Israyeli zijatikizya zindi zyabo zyakacili kuza. (Lino kuli ndinywe nomwakali atala lya mulundu kutali ciindi cilamfu cainda, cindi mwaala niwa kawaalwa.)

¹⁴¹ Lino, alimwi kuunka... wa kali kuyo cinca bulenge, ku bubamba kubelekela mbabo. Amulangilile poolo, amulangilile nzoka, amulangilile Lwizi Lusalala, a kufumbwa Nea kacita, lino. Amulange oyo mukkwilo wa mweembezi kuubamba nzila yabo ya kweendela. Ako kasako aka kakali mu janza lya mweembezi, kaindilila koonse kuniini kwa lwiyo lwabukombi a zintu zyoonse bapaizi nziba kaamba, elyo musako wa mweembezi oyo waka basololela moonya muciindi coonse citakonzeki (ku muntu). Cindi Farao nakasola kuyeyya kuti "namutitima waka bbotoka mu malundu a kuwaala maanzi, mpawo akacibamba mu bulowa," mpawo Leza wakalosya mulilo

kuzwa ku julu. Elyo Wa kausya civulamabwe kuzwa ku julu, elyo Wa—elyo Wa kausya njina aatala lya nyika, a zintuzyoonse.

¹⁴² Ino Wa kacita nzi? Kwiinda ku musako wa mweembezi oyo, kutali i—i bbuku lya cibalo, kutali muzeezo wa silwiiyo wa zyabukombi, pele musako wa mweembezi! Tula boola kuli ncico mu kaindi kasyoonto; musako wa mweembezi, Wa kacicia. Kutali i—i bbuku lya mupailo ilya kabungwe, pele babelesi ba mweembezi. Kasako ka Mweembezi kakasololela mbelele zyakwe, kubamba nzila iisoolokede mbuli mbo zya kaunka ku Ijwi lyaka syomezegwa mu nyika. Ino ncintu cibotu sunu ca Babelesi ba Mweembezi, sunu, ku solela mbelele Zyakwe ku Nyika ya Cisyomezyo; kweenguluka lwiiyo loonse lwa zyabukombi a zintu zyoonse zimbi zya nyika eyi, a zintu zya nyika, a tubungwe, zintuzyonse; kujula nzila, a kutondezya Ijwi Lyakwe kuba Bwini; Babelesi ba Mweembezi kaba zumanana.

¹⁴³ Elyo amubone, oyo musako wa mweembezi nguonya wakali kusololela mbelele... Sena mula syoma obo? Wa eenzya mbelele cancobeni, wa kazivuna kuzwa mu Egepita a musako oyo mu janza lyakwe. Inga twaamba kunji kujatikizya ncico. Pele kuuma asyoonto, wa kasololela mbelele a kutuma lubeta kuli baka Li kaka! Nguonya musako wakaba cilongezyo kuli umwi, wakaba lutuko kuli bambi. I meenda ngaonya (akukambauka kwa Nowa) ayo aka muvuna, akapa mulandu ku inyika. I musako nguonya waka solela Israyeli ku nyika ya cisymezyo, wakapa mulandu kuli baabo baakaka kutobela musinsimi-mweembezi. Mbo mbubo, koba musako wa lubeta.

Bulenge; amubone obo Leza mbwa kanana mu bulenge Bwakwe. Icuti ni twali jisi buyo ciindi. Nda kalemba kagwalo awo: Leza kaambaula mu bulenge Bwakwe. Ta tujisi ciindi caku citondezya.

¹⁴⁴ Pele kutondezya kumane, kwiinda ku nzoka ya mukuba aa mbelele zya mweembezi (kuti wa kavungaila nzoka eyi koonse, mu nkanda), eci caamba mulungo wa cibi cini kau boolela malwazi a cibi.

¹⁴⁵ Oyo musako lwawo wakasanduka kuba nzoka kumbele lya Farao, alimwi nguonya Farao wakasola kukkopela kwinda kuli basimamibo. Elyo mbubonya ba Farao basunu mbo bacita sunu, a basikuli kozyanisa, basikuli kozyanisa basinyama iba Mulumbe, kusola kukkopela cintu nciconya kakutakwe kuziba nko cakazwida; aku Ci waala mu cintucimwi cakabungwe, cindi ni Caka anguluka kuzwa kuli ncico mbuli luwo mbo luzwa ku kujalilwa. Masimpe! Pele kusola kulicengeezya, kucita kulicengeezya.

¹⁴⁶ Pele, amubone, oyu musako wa mweembezi nguonya wakalya inzoka zimbi. Zyakali kuli nzoka? Ya kali misako aa cibuye, alimwi kwakali musako biyo wa kabwezegwa. “Majulu a

nyika ziyo loba,” wakaamba Jesu, “pele Ijwi Lyangu tali kaciti.” Ku kanana mulungo wini wakali kuboolela cibi.

¹⁴⁷ Akwalo, ciindi ciza ca Israyeli cakatuulwa . . . elyo awo Mpe kakanana zya Israyeli, lino mu ciindi ciza . . . Mbabo baka tuula lwaanguluko kuzwa ku bwaange bwa lufu kwiinda ku musinsimi mweembezi. Ba kaletwa kuzwa ku bwaange kwiinda ku musinsimi mweembezi kabelesya musako. Mwabona? Wa kali kukanana Muvuni wa Israyeli wakacili kuciza, kuzwa ku lufu a gehena, kwiinda ku Musinsimi Mweembezi oyo ngo tuta kanane.

¹⁴⁸ Lino, kuli boonse abo . . . boonse mbuli mbo tuzi Israyeli, tiiba katambula Ijwi lya musinsimi mweembezi, boonse ba Israyeli tiiba ka Li tambula. Lino, amubone, bakali kutongauka. “Oh,” cindi na kali kucita maleele, “wa kali mulombwana mulemu,” pele cindi nicaka boola ku Mulumbe wakwe, “eco cakali andeene.” Zitondezyo zyoonse zipati zitobela mulumbe mupya uboola. Tu lizi eco. Mu nkanda baka tongauka, mu nkanda, a kufwa ku zyuulu. Mukasimpe, teebakali bobilo biyo babo bakasola kwinda muli olo baka futuka kuzwa muli bali mamillioni obilo acisela, obilo kuzwa muli bali mamillioni obilo acisela.

¹⁴⁹ Yebo wati, “Eco . . . Ncinzi cakacitika kuli mbabo?” Ba kanyonyooka Cabutamani.

¹⁵⁰ “Boonse babo, Mukwesu Branham?” Jesu wakaamba boobo.

¹⁵¹ Ba kati, “Bamatata bakalya Mana mu nkanda, nkabela bakanywa kuzwa ku Mwaala.”

¹⁵² Elyo Wa . . . Jesu wakati, “Elyo balo, umwi aumwi, bakafwa,” kwandaanisigwa Cabutamani, mwabona, umwi aumwi.

¹⁵³ Amubone baka tongauka kujatikizya nzila yakabambwa aa Leza, kakali kaambo nco bakafwa. (Lino, kabotu loko, muta kakilwi kumvwa twaambo otu tusyonto twa mamanino.) Ba katina! Ncinzi caka babamba kufwa mu nkanda, ba katongaukila makani aa nzila yakabambwa aa Leza: kwiinda ku Mulumbe wa muntu omwe, musinsimi, busololi bwa muntu omwe. Amu ndaambile cindi Leza nakasola kubelesya nkamu ya kusololela. Tamu kacijani mu Bbaibbele. Muntu omwe, ba . . . I Ijwi lya kaboola kuli Musa!

¹⁵⁴ Kora; toonse tu lizi kuti wa—wa kalibunga mwini antoomwe a kutogaukila makani aa Leza kutaba ululeme, kucita cintu mbuli ceeco, kubamba muntu omwe ujisi Mulumbe. Wa kati, “Toonse tula salala. Nkaambonzi tatukonzyi kuba a kabungwe? Elyo nkaambonzi tatukonzyi . . . kubamba eci, a kucita eci, a kucita eco?”

¹⁵⁵ Leza wakaambilisa Musa, “Kolyandaanya kuzwa kuli nguwe, Nda kajisi kunji kwa ncico.” Elyo amuyeeye, Juda ulakanana cintu nciconya, mu mazuba aakumamanino. Mbo mbubo, “Ba kanyonyooka mu kukazya kwa Kora.” Akwalo aswebo tu lizi eco

cakacitika kuli Kora a i—a bamwi abo bakabuzya Ijwi ly a Leza a busongo bwa Leza ibwa busololi bwa muntu omwe: boonse babo bakaloba.

¹⁵⁶ Lino, tuyo bona Leza mu musinsimi mweembezi, katondezya mabambe Aakwe kumbele mu jwi ly citondezyo litobela. Lino, amulangilile. Tula cibona *awo*, lino atu cilangilile mu citondezyo citabela.

¹⁵⁷ Lino, amubone, wa katumwa kuli babunyina mu buzike, kubweendezezi bwa bwaange, a Mulumbe wa lwaanguluko, a citondezyo cakapegwa aa Leza kutondezya kutaminina Kwakwe. Israyeli yakaunkila Mulumbe wakwe, baka Usyoma, umwi aumwi wabo, pele ku ciindi caku mangolezya... Ba kaunka ku maleele akwe, pele ku ciindi caku mangolezya cindi niba... wa kapa Mulumbe wakwe, "Cakali andeene." Boonse abo bata kasyoma Mulumbe oyo, bakafwa. Mbo mbubo. Ino Mulumbe wakali nzi? I Mulumbe wakali wa lubeta lwakali kuboola. Ku mangolezya, ku ciindi caku mangolezya, Leza wakazwa kwiinda mu cilawo ca Israyeli ku jana bantu nabakali usyomede Mulumbe wa musinsimi mweembezi Wakwe; nkabela boonse tee baka Usyoma, kaloba.

¹⁵⁸ Lino amubone, tuyo cileta ku Mweembezi Mupati mu ziindi buyo zisyoonto. Mwabona? Amubone mulimo wa Musinsimi Mweembezi Mupati. Wa maleele Aakwe, mbungano yoonse yakajuka akuyanda ku Mu tambula. Ba kali kuyanda baciswa kaba ponesegwa. Ba kali kuyanda kucita zintu zipati. Mpuwo yakwe yakali ndemu. Pele ciindi caku mangolezya nocaka sika, buzuba bumwi Na kamana kutila maanzi ku waini, alimwi wakasanina bali zyuulu, cinkwa, alimwi wakacita maleele, Wa katalika kukkala ansi a kwaambaula kuli mbabo. Elyo Wa kati kuli mbabo, "Mebo a Taata Wangu tuli bomwe. Nkaambonzi yebo waamba, 'Tu tondezye Taata'?"

¹⁵⁹ "Oh, mukwesu! Oyu muntu kalibamba mwini kweelana a Leza?" Eco cakali maningi ku kuyeeya kwabo kwa bupaizi. Pele bwakali Bwini, Mbwa kabede! Mwabona? Pele cindi niba kacita, banji tiiba ka Mu tobela.

¹⁶⁰ Mpawo Wa kavuuluka a kuti, "Mwa talya Mubili wa Mwana wa muntu, a kunywa Bulowa Bwakwe, to jisi Buumi muli nduwe."

¹⁶¹ Lino, ino myeeyea nzi muntu musongo, mupampu ncanga wayeeyea? Nda yeeyela bapaizi baka Mu bikkide mu tempele baka uside loko-loko kwalo kuli—kuli mbabo kuba a Nguwe okuya. "Ku yeeya kuti muntu inga waima a kwaamba cintu mbuli eco, 'Nobantu mwatalya Mubili Wangu, a kunywa Bulowa Bwangu.'" Kati, "Oyu ngu sikunywa malowa aabantu, mwabona, 'Amulye Mubili Wangu a kunywa...' Baa, walo ngusindya bantu. Nobantu bayeeya kabotu muya... moyo zwa kuli sikasuntu mbuli oyo."

¹⁶² Ta ka Ci pandulula, Wa ka Ca amba buyo! Wa kacicita kutegwa balebwe, ku kwandaanya mbelele Zyakwe kuzwa ku mpongo. Wa kacicita kwaasowa. Elyo mpawo taakwe muntu wakali kuyanda kubeleka amwi a Nguwe. Teeba kajisi kubelekela amwi kuzwida waawo. Mwabona?

¹⁶³ Amubone, ku ciindi caku mangolezya, Leza wakazwa kwiinda mu zilao a kubona oyo waka syoma. Elyo Wa kacita cintu nciconya mu mazuba aa Mweembezi Mupati. Amubone mulimo wa Musinsimi Mweembezi mupati, pele amubone eci, ku basyomi ba Mulumbe Wakwe, pele kutali... Oyu Mulumbe waku mangolezya, tii baka Usyoma. Inga noba taka syoma kuti Wa kali Leza. Ba kali kuyanda ku Mu bamba kuba muntu mubotu. Ba kali kuyanda ku Mu bamba kuba musinsimi. Wa kali muntu mubotu, alimwi Wa kali Musinsimi, pele Wa kali kwiindilila kuba obo. Oko nkuiisya kuzizilwe sunu, kuti "Walo muntu buyo mubotu, wa kali musinsimi." Ta akali kulela kukuba Emanueli! Wa kali Leza waka tondezegwa muli Jesu Kristo Mwana Wakwe, ku Mu bamba a Taata kuba bomwe. Nku koonse Nkwa kali kukonzya kuba.

¹⁶⁴ Zekariya 14:7, inga Nda amba ceeci, kukanana Mimuni yaku mangolezya a Mulumbe alubo ku ciindi camamanino. Sena mwakabona eco? Boonse bakatobela Musa, bakabona Musumpululu wa Mulilo oyo waka muzyibya aa Cilundu ca Sinai. Wa kalungulula, a kukanana zya oyu Musumpululu wa Mulilo mukuba mu citeo alimwi waka mwaambila Mulumbe oyu, bunji bwabo tiiba ka Usyoma. Pele boonse baka mutobel a kuzwa mu Egepita (bakazwa mu nyika a kuzabuka lwizi lwa kwandaanisigwa, a kunjila mu nkanda), kabona nguonya Musumpululu wa Mulilo (oyo ngwa kaamba) kusimpikizya oyo mweembezi musinsimi kuti abe mweembezi wa mbelele. Ba ka Ci bona, alimwi bunji bwabo nekubaboo bo tiiba ka Ci syoma niba kamana ku Ci bona.

¹⁶⁵ Amubone nzila, alubo, Leza utasoli kusanduka, Musinsimi Mweembezi Mupati, kaba bweza abo bakakkala a Nguwe a mulimo Wakwe ku Mulundu wa Olifa; Musinsimi Mweembezi Mupati, Oyo ngo twaambaula, Jesu. [Kabeela katakwecintu aa teepu—Mul.]...?... a kumvwa Taata (nguwenya Musumpululu wa Mulilo) ka Mu simpikizya, oyo waka simpikizya Musa.

¹⁶⁶ I Leza nguwenya oyo Musa ngwa kaamba, kaboola kuli Musa a kutondezegwa ku Musumpululu wa Mulilo kuti Wa kali Jehova oyo wakali kusololela Musa. Leza wakali mu mweembezi musinsimi Wakwe.

¹⁶⁷ Ngooyu Wa bweza Musinsimi uumbi Mweembezi, Musinsimi Mupati, Mbelele Zini, Jesu, a kubweza kusala kwa bantu botatwe, a kuba bikka aatala lya Cilundu ca Olifa, elyo mpaawo kwaka simpikizya Jesu. Elyo akwalo kulinjizya Mwini kuzwa ku bantu boonse bambi, kati, "Oyu ngo Mwana Wangu uuyandwa,

amu Mu swiilile!” Elyo cindi niba kalanga mujulu, teeба kabona muntu cita Jesu alikke. Mbo mbubo. Wa kali Nguwe. Lino, eco cila cibamba, kuciimo mbuli Mbwe langanya. Mwabona?

¹⁶⁸ [Kabeela katakwe cintu aa teepu—Mul.] . . . ? . . . [Kabeela katakwe cintu aa teepu.] . . . ? . . . busyu. Musa wakali mu busyu bwa Shekina aa Cilundu ca Sinai. Ca kacinca busyu bwakwe. Cindi naka seluka ansi, wa keelede ku—ku bikka cisilitizyo ku busyu bwakwe, musinsimi wa mweembezi Musa; muli oyo Jehova mwakabede, mu cibeela, cibeela buyo, busyu bwakwe. Wa kajisi Ijwi mu mulomo wakwe.

¹⁶⁹ Pele amubone cindi Mweembezi Mupati nakali mu busyu bwa Shekina. Ino cakacita nzi? Ca kacinca buboneki Bwakwe boonse. Ta kali cibeela buyo ca Leza, Wa kali koonse kwa Leza! Wa kali Emanuele.

Nkaambonzi nco bakeelede kuba beembeli?

¹⁷⁰ Amulange! Mwabona, lino, Leza Singuzuzyonse kalingula . . . kalitondezya Mwini, mwalo, muli Musa mweembezi musinsimi. Amulangilile obo Leza mbwa kalizibya Mwini. (Oku nkwaamba kwangu kwa mamanino.) Mwamu bona, kaimvvi kananikidwe mu busyu bwa Musumpululu wa Mulilo! Taakwe muntu atala lya mulundu pe cita Musa a Jehova. Ameni! *Ameni* caamba kuti “akube booboo.”

¹⁷¹ Amulangilile! “Bikka janza lyako mu camba cako!” Pele, langilila eci citondezyo cabili lino a jwi. “Bikka janza lyako mu camba.” Ta tujisi kaambo ka kusyoma kuti Musa wakali kubelesya janza lya lumwensi, aboobo kweelede kuti wakabikka janza lyakwe lyalulyo mu camba cakwe, nkaambo bunji bwa bantu babelesya maanza aku lulyo. Wa kabikka janza lyakwe lyalulyo . . . Lino amulangilile! Ino ncifwanikiso nco tubona awa, ca Jehova muli Musa mweembezi musinsimi! Musa kaiminina Leza, nkaambo Leza wakali muli Musa. Amu mulange wakabikka lyakwe . . . “Janza mu camba cako.” Ino ncitondezyo!

¹⁷² Lino, ngooyo uliimvvi, kavumbide janza lyakwe lyalulyo ku moyo wakwe (kaimvvi mbuli *boobu*) oko maseseke asisidwe aa lununuko nkwa kasiswa kuzwa ku malengelo aa inyika. Nkaaka kaambo beembezi. Jesu ndi janza lya lulyo lya Leza, toonse tu lizi. Ngooyo Musa ka Mu tondezya mbubonya. Wa kajatilila maseseke aa Taata, alimwi waka atondezya kuli ndiswe. Amubone, amu mulangilile kavumbula kuzwa ku camba cakwe janza lyakwe lyalulyo lya kaumwa a cinsenda cijaya. Katondezya eco Leza ncanga wacita a Janza Lyakwe Lyalulyo. Amubone, cinsenda taci jisi cisilisyo. Amubone, alimwi, tii cakali buyo cinsenda calyonse, cakali mu cibeela caco camamanino, kutuba mbuli caanda; janza lyakwe lya kaumwa a cintu ciyoosya. Obo Musa mbwa keelede kulimvwa cindi na kakwela janza lyakwe lyalulyo kuzwa ku moyo wakwe, kuzwa ku camba cakwe, nkabela janza lyakwe lya kaumwa a cinsenda! Cinsenda

ciiminina cibi, citakwe busyome, alimwi kpati mu cibeela cayo camamanino.

¹⁷³ Elyo, bakwesu, awo mpempawo nyika mpoya kabede cindi Leza nakakwela Janza Lyakwe Lyalulyo kuzwa ku camba Cakwe! I inyika ya kaumwa a cinsenda calufu, nkabela kakutakwe cisilisyo pele kuli ncico. Mbo cibede sunumasiku, nkaambo taba katambuli busilike. I cisilisyo cakabambwa aa Kalivari, pele bantu bayanda kubweza malailile abusilike aakapangwa aamuntu mubusena bwa malailile aa Leza ku cibi.

¹⁷⁴ Amubone tii caka boola bucebuce, mbuli mu bwini bwa cinsenda mbo bucita, pele mpoonya buyo! Cindi na kakwela janza lyakwe, lya kaumwa, lya kazwide cinsenda. Amubone eco Leza nca kaamba, “Lino, tamu kanjili mu cibi bucebuce; pele buzuba mbo muyoolya kuli nguwo, buzuba obo moyo fwa.” Elyo mbo mbubo, “I buzuba mbo muyoolya.”

¹⁷⁵ Amubone, wakali musinsimi mweembezi oyo waka lyumma mwini. Wa kabweza, kwinda ku mulao wa Leza, a kubikka janza lyakwe mwini mu camba cakwe, a kulikwela kuumwa ku cinsenda. I mweembezi musinsimi wakacicita mwini. Elyo Musinsimi Mweembezi Mupati, Jesu, waka cicita Mwini, “Nda bikka buumi Bwangu aansi, taakwe muntu uubugwisya kuzwa kuli Ndime.” Wa kali Mweembezi Mupati, Musinsimi Mweembezi Mupati, “Taakwe muntu uubugwisya kuzwa kuli Ndime, Nda bucita Lwangu.” Amubone tii caka boola bucebuce, caka boola mu kaindi kaniini. I Mweembezi Mupati, Lwakwe, kabweza mulandu wesu a kuliuma Lwakwe, kabweza zibi zyesu a kuzibikka aali Lwakwe. Ta cigambyi sikweema nca kalemba:

Kati ka myaala ipa kusizya milengalenga,
Mufutuli wangu wakakotamika mutwe Wakwe
a kufwa;
I cisitilizyo icaka julwa caka yubununa Nzila
Kuya ku lutangalo lwa ku Julu a buzuba
butagoli.

¹⁷⁶ Ayo maseseke akali mu camba ca Leza myaka eyi yoonse, kavumbidwe ku janza Lyakwe lyalulyo, Jesu. I Mweembezi Mupati waka libwezela Lwakwe mulandu wesu. Isaya 53:6, kati, “Wa kayaswa nkambo ka nsotoko zyesu. Wa ka cuzaulwa nkambo ka mulandu wesu. I kukomwa kwa luumuno lwesu lwakali ali Nguwe. Elyo ku mibunda Yakwe twa ponesegwa.” I maseseke aa kuponesegwa kwa Leza abikkidwe mu camba ca Jesu Kristo, na Leza, Wa kali ku janza lyalulyo lwa Leza, eyo ni Mbelele ilikke yaka jatilide mu camba Cakwe maseseke. Ako nke kaambo zitondezyo zyakumbele zya Ndilyo nco zyaka jisi lyoonse kuba mbelele! I ntaanzi yakali mbelele, yamamanino yakali Mbelele. Ako nke kaambo Ca keelede kusika ku mweembezi, kuziba nzila ya kumamela Mbelele zyakwe. Mwa Ci mvwisya na? Amubone, “Wa kayaswa nkambo ka nsotoko

zyesu, kacuzaulwa nkambo ka mulandu wesu, kukomwa kwa luumuno lwesu aali Nguwe.”

¹⁷⁷ Amubone, lya kaboola cakufwambaana; elyo lya kazwa cakufwambaana, taakwe janza lyalulyo nilya kazwa ku camba ciindi cabili. I bulwazi bujaya bwakamana, cindi naka gwisyu ciindi cabili. Elyo cindi Mweembezi Mupati, Musinsimi wa Mbelele, cindi Na kati... Aa ciingano ca Kalivari, cindi Na kabbadelela cisubulo ca cibi nkambo ka ndiswe toonse, Wa kati, “Kwa mana.” Cibi cakamana, cisubulo caka bbadelwa, nkongole zya kabambwa! Tii caka tola mwaka, na kumalekelo cakanjila muli ncico mu mazuba a silubambilulo umbi na cintucimwi, caka manizigwa mpoonya awo!

¹⁷⁸ Cibi caka boola mu kaindi kaniini, ku nsotoko zya Mulao wa Leza, mu kutyola Ijwi lyomwe. Sunumasiku, bakwesu bangu, buntu bwako buli ku gehena aa nketani. Elyo eyo nketani taili kuyiisa kwa seminari imwi ya lwiiyo lwabukombi, eyo nketani taili kabungwe kamwi na kayanza kabuzumini kamwi nko ponera, eyo nketani ndi Ijwi lya Leza! Jesu wakapa mukowa wabantu Ijwi Lyakwe kuponera kuli ndilyo, alimwi Eva wakatyola biyo maswaanino masyoonto aa Ndilyo. Elyo i... kufumbwa nketani taili njumu loko kwiinda maswaanino ayo akompeme loko. Cindi mwa gusya Ijwi lyomwe... Eelyo lyakali litaanzi lya Bbuku.

Jesu wakasika akati ka Bbuku, a kuti, “Muntu taka poneni ku cinkwa cilikke, pele ku Ijwi lyoonse lizwa ku mulomo wa Leza.” Ayo akali akati ka Bbuku.

I mamanino aa Bbuku, Wa kati, “Kufumbwa muntu uyo bweza Ijwi lyomwe (kwiimpya kusandulula Ijwi lyomwe), kugusya Ijwi lyomwe kuzwa Awa, Njo gusya cibeeela cakwe kuzwa mu Bbuku lya Buumi.” Yebo uzubukila ku gehena, kajatilila ku Ijwi lya Leza. Uta lekeli muntuumwi ku syonka cintucimwi muli nduwe eco citali MBUBOOBU MBWAAMBA I MWAMI!

¹⁷⁹ Oh, Nda bona... Ee, ba lati, “Masimpe, koonse nko twa kacita. Koonse nko twa kacita!” Eco ncencico ndiza bapaizi bapati a balo nco bakayeeya mu mazuba aa Mweembezi Mupati. Nce ncico Eva nca kayeeya. Nce ncico Saatani nca kamwaambila, “Ncobeni Leza takaciti.” Pele Wa kacita, nkaambo Wa kati Uyo cita. Elyo nke kaambo Ncayo cicita alubo sunu.

¹⁸⁰ Ta cigambyi, mbuli Mbwa kati, “Mbuli mbo kwakabede mu mazuba akwa Nowa, omo mwalo bantu bali lusele baka futulwa, ku maanzi, mbubonya mbo ciyooba akwalo mu kuboola kwa Mwana wa muntu.” Mwabona, basyoonto loko, “Nkambo mulyango uu manikide, a ipatide nje nzila eyo iitola ku Buumi, alimwi mbace bayo Ci jana.” Mbo mbubo. “Nkaambo

mugwagwa mupati ni nzila eyo iitola ku lunyonyooko, banji bayo njila mu busena obo."

¹⁸¹ Cindi Mweembezi Mupati nakaumwa, Musinsimi Mupati wa Mbelele, cindi Na kaumwa kaindi okuya, Wa kati, "Kwa mana!" Elyo miniti eelyo, Mweembezi oyu nakaumwa, kwa kamana. Cibi caka sitikizigwa, kwakanyina limbi cibi. Ba kali kusalala, cisubulo caka bbadelwa. I basyomi bajisi mazina abo alembedwe mu Bbuku lya Buumi, kakanzwa kuzwa ku malengelo aa inyika, caka manizigwa nkakonya kaindi Jesu nkati caka manizigwa. Walo, oyo Mweembezi Mupati, wakabooela mbelele Zyakwe. Lya kamanide, janza lya lulyo ilya Leza lya kagwisigwa kuzwa ku camba Cakwe, kaumwa. Mpawo aa Pasika Wa kaijula (ameni), waka libusya alubo ku camba Cakwe, a kulitandabika ansi kuli ndinywe a Ndime, mu ciimo ca Ijwi Lyakwe, ku tunununa kujoka ku muunda mutaanzi kuzwa oko cibi nko caka tugwisya. I maseseke aasisidwe aa moyo Wakwe mupati aka yubununwa kwiinda ku Musinsimi Mweembezi. Caka yubununwa kwiinda ku Mweembezi, Mweembezi wa Musinsimi.

¹⁸² Ta cigambyi malundu nacaka sotauka a koongolola aa buzuba obo. Ta cigambyi kuti zuba lyakasisa busyu bwalyo a kukwiila nkambo ka lutangalo. Ta cigambyi bulenge boonse bwa kamwaika; guwo lyaka zungaanya masamu kusikila aka zungana aku zungaana, a lutangalo, a kusotoka. Aka bona Musinsimi Mweembezi, aa cilundu, kanununa zina lyoonse mu Bbuku lya Buumi. Elyo bakabona kuti bupange bwabo bwini bwaka nununwa! Ba kakwiila, a kusotauka. Elyo nyika yakanjila mu muzunzumo wanyika. Elyo malundu akaanduka, nkabela myaala yakawa. Elyo zuba lya kabbila. Elyo—elyo zintuzyonse zyaka citika. Mbuli muswaangano uli oonse, cindi Mweembezi ayubununa kuli ndinywe kuti "ca mana!" Okuya . . .

¹⁸³ Nda kabona mabibo akusotauka, a mabibo a lutangalo pele kwakanyina umwi wakali cisa. I malundu aka zuzila anze, alimwi ba...zuba lya kabbila, a zintuzyonse zyaka citika, pele kwakanyina umwi waka licisa. Elyo Nda kabona miswaangano awo nguzu zya Leza mpo zyaka yubununwa ku bantu kuti ba "kaanguluka kuzwa ku nyika a zintu zya nyika," alimwi lutangalo lwa Mwami lwaka zuzya mbunga. Ba kaima a kukwiila, a kulila, a koongolola agolela majwi abo, nkambo ka bulemu bwa Leza. Nsena bwene cili conse caatali muncililano, zyoonse zyakali moonya mu ncililano; nkaambo zya kazibwa kuti, mazina abo akalembwa mu Bbuku lya Buumi ilya Mwanaambele kuzwa ku malengelo aa inyika. I Musinsimi Mweembezi waka baletela Mulumbe, nkabela baka vunwa, Musinsimi Mweembezi. Takukwe makani eco zilao zimwi zya bupaizi nco zya kaamba kujatikizya Ncico, ba kalizi eco cakacitika. Mbuli mbubonya mbubonya beembezi mbo bakacita kaindi okuya, ba kalizi eco cakacitika.

¹⁸⁴ Taakwe muntu ujisi nguzu zya kunjila desiki lisetekene ku kambauka Ijwi kusikila wa cita mbuli Musa mbwa kacita, kuswaana Leza, mwini, aa mbaakanji awo ali kwiina silwiiyo lwabukombi ukonzya ku Li pandulula. Musa wakaliko! Takukwe makani obo batumwa ba Israyeli mbo bakaamba, “oh, bwakali bufuba, waka kuyeeyela buyo kubona eci; mbufuba,” inga to konzya kugwisya Ceeco kuzwa kuli nguwe, wa kalizi! Wa kaliko! Wa kali nguwe waka citika! Elyo taakwe muntu kwiinda ku—ku digrii lya lwiiyo lwabukombi na digrii lya bwiiyi limwi lijisi nguzu kunze lya cikambaukilo, ku kutaminina Mulumbe wa Jesu Kristo, kusikila wa saanguna kuswaana Leza busyu ku busyu mu Musumpululu wa Mulilo. Ta jisi nguzu zya kuliita mwini kuti mutumwa, nkaambo boonse basilwiiyo lwa bukombi mu nyika tii baka konzya kupandulula Eco kuzwa kuli ndinywe. Ca kacitika kuli nduwe! Wa kaliko, ulizi kujatikizya Ncico. Kwe ndaba eco kufumbwa muntu umbi ncaamba, na obo kunji mbo bakonzya kwaamba kuti, “mazuba akamana, tacili booboo,” nyewebo . . . caka citika kuli ndinywe, alimwi cileendelana a Ijwi.

¹⁸⁵ Iiyi, ako nkekaambo Musa nca kazi Jwi eli lya kaambaula kuli nguwe, lyakali Jwi lya Ijwi. Wa kalizi kuti Leza wakaambilia Abrahamu, “Lunyungu lwako luyo endeenda kwa myaka ili myaanda yone, pele Njo bavuna.” Elyo wa kalizi kuti myaka ili myaanda yone yakali kutala nkabela wa kaitilwa kucicita.

¹⁸⁶ Baalumi a banakazi, Leza wakasyomezya mu mazuba aya akumamanino kuti Uyo tila Muuya Wakwe aa bantu boonse. Wa kasyomezya kuti Uyo tuma Lubbizyo lwa Muuya Uusalala, alimwi Uyo ita Nabwiinga kakutakwe kabala na kaimba. Wa kasyomezya kucicita, Uyo cicita. Muta swiilili beembezi aba basikweembela, bayo musololela ku kusweeka. I Muuya Uusalala ngo Mweembezi waku sanina cilyo ca mbelele kuzwa ku Ijwi eeli. Lyoonse ciboola kwiinda ku Mweembezi. Walo Mweembezi wesu. Amuswiilile kuli Nguwe, muli mbelele zya cimpati Cakwe; ikuti na muli obo, mula mvwa Jwi Lyakwe. Kutali eco muntuumwi umbi ncaamba, mula mvwa eco Nca amba. Ii jwi lyeenzu, yebo tozyi cintu kujatikizya ncico.

¹⁸⁷ Oh, ma, amuswiilile ku musinsimi mweembezi singuzu alubo, kapandulula a kuzibya kuli mbabo, Johane (cindi na kaima mu mulonga wa Jordano), amulange eco nca kaamba (waka liimvwi okuya, kakambauka), wa kat, “I oora lyasika . . .”

¹⁸⁸ Amubone, Johane wakali mwana wa mupaizi. Ba katobelaa lyoonse i—i mundando wa bawisi, eyo nje nzila njo tujisi mazina esu. Kwiinda ku cintu cili coonse neoba kacita, baka baita eco. Elyo Johane wa keelede kuba mupaizi mbuli wisi.

¹⁸⁹ Elyo, nyewebo mulizi, banyina, cindi nakamita, Angelo wa Mwami naka swaana bawisi Zakariya, a kuunka ku muunzi kuli Elisabeti, elyo waa kali kale myeezi ili cisambomwe mu . . .

kuba mutumbu. Pele taka jisi buumi, waa kayoowa nkaambo muvwanda takalina puta. Eco nkasowe.

¹⁹⁰ Elyo Muuya Uusalala, Angelo wa Mwami wakalibonya kuli Maria, a kumwaambila kuti waa kali “kuyooba a muvwanda, mukutaziba mwaalumi,” a kumwaambila kujatikizya ciimo ca Elisabeti.

¹⁹¹ Waa katanta zilundu zya Judaya, kuyo ambila Elisabeti. Elyo cindi naka swaana Elisabeti, waa ka mwaambila kuti “uyooba mutumbu.” Elyo ta kakonzya ku cimvwisya, “mukutaziba mwaalumi.” Pele waa kati, “I Muuya Uusalala wakandi vunikila, a kwaamba kuti eci cintu Cisalala ciyo zyalwa kuli ndime uyo tegwa ‘Mwana wa Leza,’ nkabela Njo ita Zina Lyakwe kuti ‘Jesu.’” Elyo ciindi citaanzi cakaitwa zina Jesu nakasolwa kwaambwa mu milomo yabuntu, muvwanda muniini uuwide, mwida lya banyina, wa kasotokela lutangalo a koongolola; a kusotauka mwida lya banyina, nkabela takalinaba a buumi pe.

¹⁹² I Zina lya Jesu Kristo lya kaamba buumi mu muvwanda uuwide. Ino Lye elede kucita nzi mu mbungano eyo itaminina kuzyalululwa?

¹⁹³ Elyo mbuli mbo tukkala ca kubija mbuli bbaampu aatala lya maamvwa, aku lekela zintu mbuli ezyo. Elyo kuyoowa kubuka a kulungulula kulamwa kwanu, a kutapatila bufuba obu boonse, kubamba Jesu Kristo kuba mbobuca nguwenya, sunu, amuya myaaka. Nciindi ca Krisimasi, kugusya oyo Santa Claut a zintu, kuzwa a bufuba obo bwa mpindu. Kufumbwa nko mwakamvwa kujatikizya Santa Claus mu Bbaibbele? Nkuyeeyela buyo kwa Roma, takukwe cintu kuli ncico nokuceya, takukwe cintu cili boobo. Muta yiisiy bana banu bufuba mbuli boobo. Cindi buzuba bumwi uya kweevela ku mwaambila kuti kakali kaano koonse ka boofu, mpawo waka beja ku mwana wako. Elyo ciyo nyonganya bumboni bwako kujatikizya Jesu Kristo, uyo amba kuti, “Ndiza calo ncintu nciconya.” Bikka Jesu Kristo musinsimi Mupati wa Mweembezi kujoka mu Krisimasi oko Nko izulilwa.

¹⁹⁴ Amubone, amuswiilile ku musinsimi oyu, Johane, mbuli mbwa imvwi alya. Toonse tu lizi kuti wa kali musinsimi mweembezi mulemu. Lino, wa kajisi mulumbe, Angelo wakalizi kuti uyo zibya Jesu.

¹⁹⁵ Lino, ta kakonzya kuya ku seminari imwi. Ba kali kunga bati, “Lino, yebo ulizi kuti Mwiiyi *Niini-a-niini* walo muntu buyo waku bweza busena eno. We elede kumuzibya. Elyo mulizi kuti buyo . . .” Mwabona, ta kakonzya kunyonganisigwa ku muntu.

¹⁹⁶ Ku myaka yakukomena ili fuka, twa kaambilwa, wa kaunka mu nkanda kuyo libambilwa kumbele lya Leza. Nko nkuko beembezi nkoba zwida. Amubone mulumbe wakwe watakali mbuli wa silwiyo lwabukombi, a mabala mapati, malemu akuli tunkumuna aa digrii limwi. Wa kati, “Oh, nywebo no nzyalani ya nzoka.” Kwaambila muntu mukombi, “Nywebo no nkamu

ya nzoka.” Nce ncico nca kabona mu nkanda, wa kabona nzoka. Cintu cuubaukide loko cakuti wa kali kukonzya kujana yakali nzoka, elyo wa kabaita bapaizi a bapaizi a basilwiiyo lwa zyabukombi ba buzuba obo, “Ii cikama ca nzoka!” Kati, “Nguni wamucenjezya kuzwa ku bukali buboola? Muta taliki kwaamba kuti, ‘Tu zulilwa kuli *eyi*, alimwi tu zulilwa kuli *eyo*,’ nkambo Nda mwaambila kuti Leza ulakonzya ku mabwe aya kubusya bana kuli Abrahamu.” Mabwe, eco nca kabona mu nkanda. “Akwalo, keembe kali bikkidwe ku muyanda wa cisamu.” Nce ncico nca kali kubona: inzoka, zisamu, nkanda. Elyo, mwabona, oyo wakali mulumbe wakwe. Ta kazi mabala mapati akuli tunkumuna azya lwiiyo lwa bwiiyi upati (konzya ku Ci pandulula kuti taciko), wa kakambauka buyo mbubonya mu nzila ya bulenge.

¹⁹⁷ Eco ncencico nco tutondezya awa: musako wa mweembezi, mbelele, anzila ya bulenge.

¹⁹⁸ Ino wa kacita nzi? Wa kajisi cintu cipati cakucita, wa kali umwi wakali kuyo ziba Mesiya. Wa kati, “Nda amba, ‘Uli imvwi awa akati kanu lino. Elyo tam Mu zyi, nkaambo lwiiyo lwako lwabukombi lwaka mwaangilila maningi, tamu zyi awo mpo mubede.’”

¹⁹⁹ Buzuba bumwi Jesu wakasika keenda kuzwa, wa kati, “Amubone, ngooyo waboola Kabelele wa Leza uugwisya cibi ca inyika.” I Kabelele! Aleluya! I Mulungo wini! Mpaawo kwaboola mbelele zyoonse kuzwa mu muunda wa Edeni zicelelo zya cimvule, Muntu uuzizilwe kaselemuka kuya ku mulonga.

²⁰⁰ Ba kati, “Johane, mbobuti mbo ka Ci ziba? Nse kabona cintu comwe candeene.”

²⁰¹ “Pele Nda pa bulunguluzi, Nda kabona Muuya wa Leza kauseluka mbuli nziba, a Jwi kaliti, ‘Oyu ngo Mwana Wangu uuyandwa muli Nguwe mwe Nko ndelwa kukkalamo.’”

²⁰² Amulangilile Nziba a Mwanambelele. Mwabona? Inzya. Ino kuti cakali ii...ino kuti cakali cintucimwi....Ino kuti wakali umpe kaimvwi alya? Ee, Kabelele ako taku konzya kuzumanana...na Nziba eyo...Leza wakali tondezya Mwini ku nziba, babombe maningi ba bayuni boonse baku julu; Mwana Wakwe kwiinda ku mbelele, babombe maningi ba banyama boonse aa nyika. Mwabona, muyuni uusalala wa majulu, kutali cikwaangala; kutali kkubi, pele nziba. Kutali ngulube, pele kabelele. Bupange bumwi bumbi nibwata kasangana antoomwe.

²⁰³ Elyo amubone cindi Nziba niya kaboola aa Mwanambelele, Ya ka Mu solelola. Kutali nzila Mbwa yanda, pele nzila Taata mbwa konzya ku Mu solelola. Eyo nje nzila mwanambelele wini mbwabede sunu. O mbelele zya ciindi ca Krisimasi, sa tamuzi kuti Leza usololela biyo ku Ijwi Lyakwe? Eyo ngo musako Wakwe.

²⁰⁴ Amubone kuti kwiina cintu cakali nocitika, pele Johane wakati, “I bamwi babo tiiba ka Ci bona, pele Nda pa bulunguluzi, ‘Nda ka Ci bona.’” Kuzibya: “Amubone, Kabelele wa Leza oyo uugwisyu zibi zya nyika.”

²⁰⁵ Akube kuti lino Ndi zibya Mulumbe wangu wa Krisimasi, alimwi kuciindi Ne jala lino: “Jesu Kristo, mbubonya nguwenya, sunu, amuya myaaka.” Ngu Kabelele oyo nguwenya. Ngu Kabelele buyo mbubonya sunu mbuli Mbwa kabede kaindi. Uli waano buyo kunji mbuli Mbwa kabede okuya, nkambo Ijwi Lyakwe ncimwi. “Oko bobilo na botatwe nkoba bungene mu Zina Lyangu, awo Mpeli akati kabo.” Nce ncico ncobeni Nca kaamba. Ta sanduki, Ngu Leza i Ijwi. Ta sanduki; ucipa mbelele Zyakwe, a kuzisanina kwiinda ku Mweembezi Musinsimi, cakulya ca mbelele Zyakwe lutaanzi. Kutali kuli basilwiyo lwabukombi; ku mbelele Zyakwe.

²⁰⁶ Taba...Mbobuti balo bambi mbo bakonzya ku Cilya. Pele basongo...Amubone eci! Pele basongo a bapampu, bakayiisigwa kabotu ku inyika, kucili kuyanda kwaamba kuti kuli Santa Claus. Elyo kuli misyobo yoonse ya kaano kabuyo a zintu nzo bakomba, nkaambo tabaka Mu tambuli, Ijwi; nkaambo mu tubungwe twabo, Ta lyeeleli ku kubotelwa kwako, beembezi bakubbadelwa iba buzuba obo. Kubbadelwa kuzwa ku tuyanza twa buzumini, oko kuya kumukamantanya kunsi lya mpongo yomwe, sena tamu cisyomi! Bayo musololela ku cijailo ca mali. Amumvwe Mweembezi Mupati oyo wakazyalwa myaka ili cuulu amyaanda ili fuka yakainda, mweezi oyu. Ciindicimwi kumasena kulaale, mu Mulumbe Wakwe, amuboole beembezi beni abo bakazi nzila ya kumamela mbelele.

²⁰⁷ Kubona, ba ciciyanda. Taba ka Li tambuli sunu, mbubonya buyo mbuli mboba tako cita kaindi, nkaambo ta lyeeleli ku kubotelwa kwabo kwa bupaizi. Bala nyona Ijwi eelyo a kulibamba kweelela ku kabunga kabo, nkabela taba kakambauki Ijwi. Taba kaciti! Ba lati, “Ee, eco cakali ca mazuba aa baapostolo. Ta kanzili *ceeci*.” Caamba mbubonya buyo eco Nco lwaamba, Ta ciyandikani umwi ku...?...ku Ci pandulula kuli mbabo.

²⁰⁸ Lino atu ku oora eli kukotamika mitwe yesu a myoyo kuya ku bulongo bwa nyika, a kubinda loko ku cilido cabanyama, kubona a kutambula Mumuni oyo Ijwi eli nkolileta kwiinda ku Mweembezi: Mweembezi Mupati Musinsimi, Jesu Kristo Mwana wa Leza. Nda kaambaula kuli ndinywe kwa ciindi cilamfu. Ndiza tii ndakambamba majwi aangu mbuli bapaizi mbo beeleder, Ta ndi soli kucita eco. Nda sola ku Ci kanana mbubonya mbuli Mbwa Ci pa kuli ndime.

²⁰⁹ Pele, sena mwabona kaambo nco cakeelede kuba beembezi? I bamwi baka yiisigwa maningi mu muzeezo umbi kusikila tiiba ka Li tambula. Elyo sunu tu jisi misyobo yoonse ya balinguzi,

bantu bazyooko, bamabbishopo bapaizi, makkadinolo, zintuzyonse mu inyika, kusola kutu solelala. Pele Leza kotupa Mweembezi, alimwi oyo Mweembezi Muuya Uusalala.

²¹⁰ Amuswiilile kuli ndime lino. “Cindi Na...” (kutali muyeeyo, Walo bbala lyaamba mugame) “Cindi Walo Muuya Uusalala wasika (Muuya wa Bwini), Uyo yubununa zintu ezi kuli ndinywe ezyo Nze kamwaambila, alimwi uyo mutondezya zintu iziciza.” Oyo Mweembezi Mupati, Oyo Mweembezi Jesu ngwa kasiya. Elyo Muuya Uusalala wakalemba Bbaibbele, Bbaibbele lya kaamba booboo, “Muntu wakale, wakeenda ku Muuya Uusalala, wakalemba Ijwi.” Lino, sa Muuya Uusalala inga wakukwela ku kansiyansiya? Sa inga Wa kwela—kukwelela ku cintu cimwi eco Ijwi eli nco li taambi? Baa, inga caba citakonzeki kumaninina. I Muuya Uusalala uyooba mubeji ikuti na Wa kaamba kuti “Eci nce ncico ncoede kucita,” elyo mpawo kunyona a kwaamba, “Peepe, Bwa kali bulubizi, alimwi mula cita eco mbungano nco yaamba kucita.”

²¹¹ Lino, ikuti na wali kuswiilila ku cintucimwi, cimbi caka kusomona kuzwa kuli cini, mweembezi wini uyo musololela ku Ijwi, Muuya Uusalala, alimwi tamu jisi luzibo, a kutaba a bumboni bwa Muuya Uusalala mu buumi bwako, obo kakutakwe...

²¹² Leza Ngumwi. Leza ngo nguwe alikke oyo ujisi Buumi Butamani, alimwi Walo Mbuumi Butamani. Elyo kufumbwa cintu caka jisi matalikilo cili jisi magolelo. Elyo ikuti na uli membala buyo wa mbungano, cakali jisi matalikilo. Pele Ijwi lya Leza tali jisi matalikilo, Leza ta jisi... Elyo cindi wazyalwa aa Leza, wakazyalwa ku Ijwi, mpawo wakaba mwana wa Leza, alimwi zina lyako lya kabikkwa mu Bbuku lya Buumi ilya Mwanaambelele kuzwa ku malengelo aa inyika. Elyo yebo, mubala wa masusu ngo jisi, meso a mubala ngo jisi, ciimo omo momubede, Leza waka mubona kuzwa ku malengelo aa inyika. Elyo Wa kakubona, muntunsi, mbuli mbobede. Elyo nekubakuti kwakacili myaka ili milioni, taakwe cikonzya ku kulesya kujoka kuli ceeco cinkozya cilondokede eco Leza ncaka kusalila ku matalikilo, “Mbelele Zyangu zilamvwa Jwi Lyangu, mweenzu tazika mutobeli.”

²¹³ Elyo ikuti na tona tambula Buumi Butamani obo, sunumasiku, elyo ula ngila a—a—a kaano kabuyo ika muvwanda muniini kalede mu ii—ii—ii cilido cabanyama, a nkamu ya bantu basongo koonse, muta syomi zintu zili booboo. Elyo kusola kuyeeya kuti, “Ee, Ndiyo oba kabotu. Elyo Ndiyo cita eci. Elyo Ndiyo sangana mbungano. Elyo nku koonse Nkwe yanda kucita.” Uli sweekede. Ikuti na tojisi Buumi Butamani, mbobuti mbo konzya kusola kupona kwalyonse?

²¹⁴ Inga wabweza museke wa mapopwe, Nse kwe ndaba obo mbo ciboneka kulondoka, inga wakonzya kuli... Sayaansi yaka

panga yomwe, cakuti inga mwa itenda: ili jisi musyobo nguonya wa mudumo, musyobo nguonya wa moyo, zibelesyo nzyoonya eyo nseke ya kasyangwa kuzwa mu muunda njoi jisi, cintu nciconya. Inga mwazibikka mu labbolatori, alimwi tokonzya kwandaanya imwi kuzwa kuli imbi: imwi iyobamba buyo cinkwa camapopwe mbuli imbi, imwi iyo panga musyobo wa makkonifleki. Pele nzila biyo njo konzya ku zyandaanya, nku zizikka. Imwi eyo muntu njaka panga, ila kkala alya, ilabola nkabela tai komena. Pele imwi Leza nja kapanga, ijisi mbuto ya buumi, ila pona alubo.

²¹⁵ Inga walikozyanisyia kuba Munakristo, inga waunka ku mbungano mbuli Munakristo, inga wa bikka zina lyako mu bbuku mbuli Munakristo, inga wasangana kabungwe mbuli Munakristo; eco inga kacili kabotu, pele citakuti obo Buumi Butamani buli muli ndinywe kuti oyo Mweembezi Mubotu wakapa Buumi Bwakwe, ku kwandaanya... Cindi Leza nakaselukila aa Pentekoste, Wa kaseluka mu cikoto ca mulilo mbuli Mbwa kacita aa Cilundu ca Sinai, mbuli Mbwa kacita ku mweembezi mutaanzi, Musa. Elyo cindi Na kaseluka, Wa kalyandaanya Mwini mu myaambo ya mulilo oyo waka kkala ali umwi aumwi wabo, Leza kalyandaanya Mwini mu bantu Bakwe. Elyo wata katambula eco cili... Petro wakaamba kuti "Cili kuli nduwe, a ku bana bako, kuli baabo bali kulaale."

²¹⁶ Beenzuma, muta swiilili kaano kamwi ka lwiyo lwabukombi, mula zyalululwa. Elyo cindi wanooli, Muuya uli muli nduwe ncibeele ca Leza, a bakamboni ku Ijwi lyoonse lya Leza kuba "I Bwini." Ikuti na to jisi luzibo olo, atukatife lino ku cilido cabanyama, Ijwi. Atu binde ku Bbaibbele, kuzwa ku mambungano aya aakabambwa aa lwiyo lwabukombi, ku cilido cini cabanyama, ku Ijwi lya Leza awo Mesiya mpa yubununwa.

A mitwe yesu kiikoteme, atu kombe.

²¹⁷ Oyandwa Leza, nkukoонse oko Nkwe zyi kwaamba ku ciindi eci. Tuli mukuswenena ku Krisimasi, tugwagwa twa bantu a banakazi, balombe a basimbi, kutonta, kutontana, kusola kuula cipo ku jokela ku muntu umwi oyo unga wabapa mbubonya. Bantu banji abo baliita kuti Banakristo bali mu tugwagwa kabaula misanga yatombwe, zikola, kuba zipo zya Krisimasi. Leza, ciboneka mbuli kuti ba ciwaala kujoka nkoonya ku busyu Bwako, kuyiisya bana babo kaano kabuyo, kaci Roma, kalwiyo lwa bupagani ilwa Musalali Nicholas kaano kamwi kabuyo kakatambulwa cabuteteete ku inyika, elyo bakaka Kristo wini wa Krisimasi, Kabelele keni.

²¹⁸ Leza, Nda komba, sunu masiku, kuti mbuli mbo tu kotamikide mitwe yesu ku bulongo obo Mbo ka tuleta kuzwa,... Wa kaambilia Abrahamu lomwe, musinsimi mweembezi mupati, "Koya, Abrahamu, ukabale miseenga eyo ili aa nkomwe zya lwizi."

²¹⁹ Alimwi wa kajosya bbala, "Ta baliki, Nse konzyi kwaabala."

²²⁰ Mpawo Wa kati, "Langa ku majulu, a mweelwe wa nyenyeesi." Elyo wa kalizi kuti eco tii cakali kukonzeka. Elyo Wa kati kuli nguwe, "Aboobo lunyungu lwako luyooba." Tu langa mulumbe oyo ku musinsimi oyo wa mweembezi-mweembezi, "kuzwa ku bulongo bwa nyika, kuya ku nyenyeesi zyaku julu," kuti nekubakuti kuli lufu mu mibili yesu iifwika kututola ku suko, kuli Buumi bukonzya kutubusya ku nyenyeesi.

²²¹ Mboli Mbo kaamba ku musinsimi Wako mupati Daniele, "Elyo abo bazi Leza wabo, mu mazuba aakumamanino, bayo cita zigambya. Alimwi abo basandula banji ku bululami baya kuba nyenyeesi zimweka kwalyonse a kwalyonse."

²²² Mwami Leza, Cilenga Mupati, Oyo wakali bambilide loko kuboola ku nyika mu ciimo ca Jesu, kulekela muntu kuziba obo Leza mbwakabede. Elyo Wa kali Umwi luzutu wakali kukonzya kubweza cisubulo ca lufu, taakwe Angelo, taakwe ciiminina wakali kukonzya kucicita. Wa kali Nguwe waka bikka cisubulo, alimwi Yebo olikke wakakonzya ku cigwisya. Elyo mukuba Muuya, To kakonzya kufwa. Pele Wa kaba mu mibili wabantu kutegwa Ka konzya kufwa; a kuba Kabelele ako kutegwa Uko nzye kugusya cibi ca Bakanununwa Bako, kuti Wa keelede kuba nununa kwiinda ku Bulowa Bwako Mwini.

²²³ Oh, kaano nkpati loko, Mwami, kalainka atala ly a mitwe ya banji loko. Ku yeeya: "Jehova muniini, kalede mu cilido cabanyama, Wa kapona mboli muvwanda. Jehova muniini, wakazyalwa mu cilido cabanyama. Jehova muniini, kasobana a bana mu kagwagwa. Jehova muniini, mukubusyi. Jehova muniini, mwiiyi wa cikolo. Elyo Jehova, Singuzu." Wa kabweza masena aya oonse. "Elyo mpawo, Jehova, Kabelele. Jehova, Musinsimi." Elyo Wa kaba zyoonse ezi kuti Uyo penga cisubulo ca cibi, a kutupa Buumi Butamani.

²²⁴ Kotu jatila, O Leza, swebo, zilenge ziteeleli zya nyika eyi. Twa umwa sunumasiku, Mwami, cindi twa bala eco Nco katu citila, aboobo kusyoonto nkotwa kacita mu kujosya. Obo Mbo boola mu mazuba a basololi bapati babukombi! Obo Mbo kali kuyanda kwiima a kutondezya Ijwi ly Taata! Obo Mbo takali kulimvwanya aa lwiyyo lwabo! Alimwi sunu kuboneka mbulikuti taakwe uyanda kulitondezya a kwiita Ijwi kuti kacili "I Ijwi," a kutali kulimvwanya. Twa komba, Leza, Ula tujatila ku zintu ezi nzo twa kaunduluzya maningi. Elyo kotupa sunumasiku, mu myoyo yesu, mboli mbo tupa kuli Nduwe mbuli cilido cabanyama. Elyo tu lizi kuti ziindi zyoonse ezyo Kristo nzyaka tambula, kuli kuzyalwa kupya, kuli mbelele zyakazyalwa bupya, kuli kwiimba ku Julu kwiinda ku Baangelo. Atala ly sizibi omwe oyo usanduka, Baangelo balaimba alubo.

²²⁵ Twa komba, Leza, kuti na kuli bamwi awa sunumasiku bata Ku zyi mboli Cipego cini ca Leza, mboli Mufutuli wacigaminina, kutali buyo kwiinda ku muzeezo wakuyeeya, pele kwiinda ku

kuzyalwa kupya (kwa kuzyalwa kwa Muuya Wako), akube kuti ba Ci tambule ndyoonya lino, Mwami, a mitwe yesu kiikoteme. Elyo ikuti na kuli umwi, Mwami, oyo utana cita ceeci, akube kuti myoyo yabo itambule lutangalo lino, a kujana mbuli beembezi bakaindi, mu cilido ca moyo wabo, Ijwi, Mesiya; abo bayo simpikizigwa kuli mbabo mbuli Muuya Uusalala, Mweembezi Mupati wa buzuba. Twa lomba eci mu Zina ly a Jesu.

²²⁶ Kuciindi notu kotamikide mitwe yesu, elyo Nda syoma myoyo yesu, sa inga—sa inga wacita, mukwesu wangu uyandwa, nekubakuti uli cizo ca mbungano... Elyo Nda syoma kuti Nse na kucisa kwiinda ku kwaamba eco Nce kaamba. Ndi... Cili kabotu kuzulilwa ku mbungano, twe elede kucita ceeco, pele, O mukwesu, muta tambuli buyo eco, mweelede kuzyalululwa. Obo Mweembezi Mupati mbwa kaamba, "We elede kuzyalululwa." Wa kaamba eco kuli silwiyo wa zyabukombi, "Yebo weelede kuzyalululwa."

²²⁷ Elyo cindi wazyalululwa alubo, takuli buyo kaambo kakuti ula syoma. Ba lati, "Wa kazyalwa cindi wasyoma."

²²⁸ Pele Bbaibbele lyakati, "I dyabulosi ula syoma, awalo." Lino, amubone, tacili ceeco, nduzibo.

²²⁹ Yebo wati, "Ee, Nda kapona buumi bubotu."

²³⁰ Mburonya baapostolo mbo bakacita, pele tiiba kazyalululwa kusikila baka tambula Muuya Uusalala. Tiiba kasandulwa akwalo kusikila niba katambula Muuya Uusalala. Mula yeeya kakutanaba busiku bwa kwaabwa...na ali bwa kwaabwa, kwaabwa kakutaninga kucitika? Jesu wakati kuli Simooni Petro, "Cindi wa kusanduka, mpawo ukayumye babunyoko." Elyo Petro waka Mu tobela kwa myaka yotatwe a cisela, nkabela waka tanda madaimona, a kuponya balwazi, waka kambauka Makanimabotu, alimwi nekubaboo (kweendelana ku Ijwi) takalina sanduka akwalo.

²³¹ Lino, sa inga mwayanda musyobo oyo wa—wa Mutumwa mu moyo wanu sunumasiku? Ikuti—ikuti na muyanda ncobeni Eco... Ta cibambi lwandaano luli loonse eco muntuumwi umbi ncaamba, Nca bwini, mukwesu, mucizi. Ndi lizi obo kuba bwini. Sa inga wacita, kuciindi mitwe yoonse noikoteme a meso oonse kajalide, kutali kuli ndime, Ndili muntu buyo, munyoko wako, pele kuli Kristo inga watambika janza lyako, kwaamba, "Nda syoma Eco. Elyo Ndi yanda ncobeni kuti Kristo mu moyo wangu, Kristo wini wa Krisimasi?" Sa inga watambika janza lyako lino? Leza aku longezye. Eco ncibotu. Leza aku longezye, ayebo. Leza aku longezye. Ma, maanza koonse.

²³² Akube kuti cicitike, mukwesu; akube kuti cicitike, mucizi; akube kuti cicitike, mweenzuma; kuzuzigwa a Muuya wa Leza. Ino cibamba lwandaano nzi eco kufumbwa muntu umbi ncaamba? Amuyeeye, mbuumi bwako. Inga akwalo tii twaba aa nyika kuseeni, ta tujisi—tukwe kaanzambwene ka buumi buyo

mbuli mbo tu jisi kuyoya mu mpemo zyesu lino. Kwayanda tatu kuyoya limbi, cita ku luzyalo lwa Leza. Elyo ino cigwasya nzi, takukwe makani obo mbo kapona aceeco...? Jesu wakati, "Muntu nata zyalululwa, taka njili mu nzili ili yoonse."

²³³ Lino, Ndi lizi *bwaambe* bwabupange bwa kuzyalululwa mbobubede, pele atu langilile buyo eco cakacitika mu Bbaibbele cindi niba kazyalululwa. Petro wakali musyomi, baapostolo bakali musyomi, pele tiiba kazyalululwa mane Muuya Uusalala niwa kabawida ku Pentekoste. Lino, bakali kugambwa eco cakacitika, elyo Petro wakati, a bamwi babo, "Nywebo nobantu ba Israyeli, akuzibwa kuli ndinywe; Jesu waku Nazareta, muntu waka tondezegwa aa Leza akati kanu kwiinda ku zitondezyo a maleele a zigambyo, eco Leza nca kacita kwiinda kuli Nguwe; Oyo waka kanzidwekale, kwiinda ku nkamu izibidwe njo kabweza a maanza mabyaabi a kubambula, Oyo Leza ngwa kabusya nkabela tuli bakamboni Bakwe. Wa katila eci neco mubona a kumvwa lino, alimwi cileendelana ku Magwalo."

²³⁴ Elyo mpawo, cindi niba kamvwa ceeci, ba kayaswa mu moyo wabo, a kuti, "Baalumi a bakwesu, ino inga twa citanzi kutufutulwe?"

²³⁵ Petro waka baambila kuti, "Amweempwe!"

²³⁶ Lino, mweenzuma muna Katolika ukkede awa, eco Nce zyi bone na bosanwe banu bakkede awa. Nda kali kubandika eci a mupaizi wanu, ndiza kutali mupaizi *wanu*, pele umwi wa bapaizi ba Katolika, wa kat, "Jesu wakapa mbungano nguzu zya kulekelela zibi, 'Kufumbwa oyo ulekelela zibi, kuli mbabo zya jatilwa; kufumbwa zibi nzo mwa talekelela, tee zya lekelelwa kuli mbabo.'" Obo mbwini. Pele atu langilile obo mbwa kacicita, obo baapostolo mbo bakatobela malailile Akwe, kutali kweendelana ku nzila eyo—eyo mupaizi nya cita sunu.

²³⁷ Pele ino mupaizi mutaanzi wakacita nzi, ikuti na muyanda ku mwita kuti, Petro, oyo waka jisi zижалузы zyaku Bwami, mbobuti mbwa kaamba kucicita? Wa kat, "Amusanduke, umwi aumwi wanu, a ku bbizigwa mu Zina lya Jesu Kristo ku kujatilwa zibi, nkabela myuo tambula cipego ca Muuya Uusalala. Nkambo cisyomezyo cili kuli ndinywe, a ku bana banu, a kuli baabo bali kulaale, abalo boonse Mwami Leza wesu mbayo ita." Elyo ikuti na Leza ueiita, luzibo ndulonya luli kuli ndinywe ikuti na myuo tobela malailile ngaonya. Ikuti na mbunga eyi yasyoma Eco, a mitwe yanu kiikoteme, amwaambe, "Ameni." [Mbunga yaamba, "Ameni."—Mul.] Mpawo, kufumbwa cintu cifwaafwi ca Ceeco ciimpene ku Ijwi, a kutali kweendelana ku Mweembezi.

²³⁸ Mwami Jesu, bali mu maanza Aako lino. Nda komba kuti moyo aumwi ujukide sunumasiku oyo uta jisi Kristo, Mesiya (alimwi Kristo ndi Ijwi, Ijwi lya kananikwa lya yubululwa), alimwi ikuti na kuli myoyo iili yoonse ijukide awa sunumasiku eyo ita jisi Mesiya oyo, Cipego cini ca Krisimasi, i Cipego

biyo cini ca Krisimasi ciliko, eco Leza nca kapa inyika, aku Ci lungulula ku inyika kwinda ku beembeli, wa Kabelele Kakwe, Mulungo wa cibi, alimwi ikuti na oyo moyo wajuka sunumasiku, kobikka muli nguwo, Mwami, Ijwi lya Mesiya lya sunu. Twa batuula kuli Nduwe mu Zina lya Jesu Kristo, Mwana Wako. Ameni.

²³⁹ Sena mula Mu yanda? Sena mula Mu syoma? “Amu yandaule lutaanzi Bwami bwa Leza, a bululami Bwakwe, zintu zyonse zimbi ziyo yungizigwa kuli ndinywe.”

²⁴⁰ Beenzuma, katutana mwaika, Ndi yanda kwaamba ceeći. Ziindi zinji, Nse mvugwi kabotu maningi. Ndi jisi Mulumbe kuzwa kuli Leza, alimwi Nde elede kutondezya Mulumbe oyo cakutalanganya. Ndi lizi Tau mvwugwi. Ikuti na Tii wakali obo, mpawo inga Niwa takaba Mulumbe wa Leza; Niwa taka konzya kuba. Kuli kunyongana kunji sunu kuli Nguwo kuti uta mvugwa kabotu. Nda syoma kuti Leza uli jisi muntu mu kabungwe koonse a kabunga ka nyika, alimwi tacili kuti Ndi lwana bakwesu. Nda boola okuno ku Tucson, myaka yotatwe yakainda, alimwi ndaka jisi muswaangano antoomwe a ndinywe no bakutausi kutala kuli bwa Mukwesu Gilmore, elyo kwa kabuzigwa, sa Nda “boola okuno kuzo talisya mbungano?”

²⁴¹ Nda kati, “Peepe, munene. Nda boola okuno kuzo *ku gwasya*.” Pele Nseno buzigwa pe, mu myaka yotatwe. Pele mbubonya buyo, Ndili waano ku kumugwasya. Ndili waano kubeleka antomwe a ndinywe, kutali kusangana tubunga antomwe a nduwe, pele kubeleka antomwe a moyo kuli ndinywe ku Ijwi lya Leza, kusola kukambauka Makanimabotu ku bantu boonse basweekede a bantu boonse babulide bali kensi lya kulila kwa majwi esu.

²⁴² Nda lipa lwangu kuli Leza, sunumasiku, a moyo wangu oonse, a koonse kuli muli ndime. Nse jisi kunji kwa kupä; Nse konzyi kuleta libano, mura, a ngolide, nkaambo Nse jisi noiba yomwe. Pele koonse Nkwe jisi muli lwangu oko Leza nkwa kandipa, buumi obu, Nda cituula kuli Nguwe cabupya sunumasiku, aa cilido ca Ijwi Lyakwe mu moyo wangu; a ku Mu syomezya, kwiima a Ijwi eelyo, ikuti na Uyo ndilekelka kupona mwaka umbi, cakusyomeka buyo mbuli Mbwe konzya kwiima; kukambauka kabbeela koonse ka Ndilyo, a kusyoma koonse nokuceya kwa Ndilyo; aboobo, ndi gwasye, Leza. Sa inga wacita neiconya kuli ndime?

²⁴³ Kotu tambula, Mwami. Twa tambula Cipego Cako ca Krisimasi, Mesiya, Ijwi linanikidwe eelyo lisimpikizya Busyu Bwako antomwe a ndiswe, Mwami, kakutakwe kulanganya kansiyansiya na kabungwe. Tula lijana, Iwesu asunu, inyaka ili mukuyabaala, alimwi ngooyu Mesiya mupati uliimvwi a maanza Aakwe katandabede: Jesu Kristo mbobuca nguwenya, sunu, amuya myaaka, oyo wakapanga zisyomezyo, kuti mu mazuba aya

akumamanino, mbungano iyoba kabunga loko kusikila iyo njila mu Laodikeya. Elyo tula cibona sunu, Mwami.

²⁴⁴ Ino inga twacita nzi, oyandwa Leza? Ino inga Nda citanzi? Kondi gwasya a beembezi aba bambi, Mwami, koonse ku inyika, beembezi ba Ijwi, ku Li ambilizya, Mwami, mu mwaka oyu utobel. Kotu gwasya, Mwami, twa lomba. Kotupa Luyandisyo Lwako a Muuya Wako a Mumuni Wako. Twa lituula tobeni sunumasiku ku Ijwi Lyako a ku kwiiita Kwako. Mu Zina lya Jesu Kristo, twa tambula Cipego Cako ca Krisimasi: Ijwi lya Leza lyakaba mu mubili wabuntu muli ndiswe. Ameni.

²⁴⁵ Nda botelwa nyimbo zya mbungano. Paulo wakati, mu Bbaibble, “Cindi Ne kaimba, Nda kaimba mu Muuya. Nda kambauka, Nda kambauka mu Muuya. Cindi Nda... kufumbwa Nce cita, Nda cicita coonse mu Zina lya Jesu Kristo.” Lino, mukuba kuti Eci cali mukuminya ali ndinywe... Elyo Nda—Nda mulumba. Nda boola a Mulumbe oyu. Ciindicimwi ciboneka mbuli kuti Nda bijilwa ku Caamba, pele nekubabooobo Nda—Ndili sinikizidwe ku bulizi, bakwesu. Ikuti na Nse ciciti, Ndime sikuupaupa. Ikuti na Nse ciciti, Ndili simusunzyanya ku manjezeezya angu eni, alimwi lusyomo lwangu lwini—lwini mu Ijwi lya Leza. Nde elede kucicita, kutali kuba wiimpene, pele kuba bwini ku kwiipta kwangu. Elyo Ndi yanda kumugwasya nyoonse, Ndi yanda kucita zintuzyonse Nze konzya.

²⁴⁶ Lino atwi imbe imwi ya ziimbo zipati zya ziindi zyoonse, Nda luyanda kabetu loko, *Nda Mu Yanda*. Nywebo mulizi, Nda syoma ikuti na toonse twa Mu yanda buyo, inga twa cita eco Nca ka twaambila kucita. “Mbobuti mbo Ndi ita kuti, ‘Mwami,’ elyo sena zintu nze Ndi kulailila kucita? Mbobuti mbo Ndi ita kuti, ‘Mwami,’ elyo mpawo utaciti eco Nce kwaambila kucita?”

²⁴⁷ Inga wasala kuswilila mweembezi waku bbadela uunga wati “lemba zina lyako mu bbuku, a kusangana; kulya mulalilo oyu, kwaamba *eci*, alimwi cili kabotu,” cindi Mweembezi Mupati Mwini nakati “muntu nata zyalululwa ta konzyi akwalo kubona Bwami bwa ku Julu”?

²⁴⁸ Elyo amulange abo basilwiiyo lwabukombi bakayiisigwa ku buzuba obo, bakayiisigwa! Uusalala? Kupona kusalala? Ta tujisi cintu ca kweezyanisya a ncico sunu, nzila mbo bakapona. Elyo ino Mweembezi Mupati waka baita buti? Kati, “Muli bauso wanu dyabulosi,” nkaambo tiiba kali... Ba kaziba Ijwi, pele Ijwi lya buzuba bumbi, kutali Ijwi lya buzuba *obo*.

²⁴⁹ Ikuti na bakaziba ciindi ca Nowa, eco cili kabotu, eco cakali ciindi ca Nowa; pele tii cakalino beleka mu ciindi ca Musa. Elyo ciindi ca Musa nicataka beleka mu ciindi ca Kristo. Mwabona? Ciindi ca Luther nitacika beleki mu ciindi ca Wesley. Ciindi ca Wesley nitacika beleki mu ciindi ca Pentekoste. Elyo Pentekoste yakacita cintu nciconya bamwi babo ncoba kacita. Lino, nguni wa ndipa lugwasyo mu mazuba akainda? Ndamu buzya.

²⁵⁰ Cindi itu lya bwizu lya yutuka, ino ncinzi? Ino . . . cindi itu lya whiiti lya yutuka. Jesu wakati, “Bulotwa bwa whiiti bwatawida mu nyika.” Ncinzi cicitika cindi bulotwa bwa whiiti . . . na whiiti yawida mu nyika? I cintu citaanzi eco ciyutuka nditu liniini. Ta-ta cili mbuli museke oyo waka njila. Amulangilile bulenge. Tacili mbuli museke oyo waka njila, pele nciyumuzyo ca Buumi bwa museke. Cintu caka boola . . .

²⁵¹ Oyo muhedeni wakazwaa kulemba bbuku eelyo lyampuwo, *I Leza Uumwine*, lya kati, “Mbobuti mbo kukonzya kuba Leza oyo wakali kukonzya kujula Lwizi Lusalala, a kwiima kwiinda mu myaka ili cuulu ya makkalo aa musinze a kubona bana baniini kabalya a balavu, a bantu bakali kulengelela aa ziingano, a kujaigwa mu namaumbwe a zintu, alimwi taakwe akwalo nakajula mulomo Wakwe?” Mwabona, Ijwi nciyubunuzyo.

²⁵² Eyo whiiti, cindi eyo whiiti iini niya katalika ku matalikilo, yaka kakilwa Leza. Elyo kumalekelo mpaawo kwakasika Whiiti, ciboniboni cini ca Leza, eco cakatondezya Ijwi Lyakwe lyoonse cakuti Wa kali Ijwi. Mpawo Leza waka Mu pa Nabwiinga ku Pentekoste; pele oyo Nabwiinga wakalokela mu bulongo kwiinda ku makkalo aa musinze, mbubonya mbuli whiiti ini mboya kacita, Yaka lokela mukati. Elyo nkaambonzi nco yata kali kukonzya kucita? Nkaambo yakali sisidwe kunsi lya bulongo, yakacita kubola kaitana konzya kuleta buumi.

²⁵³ Pele mpaawo kwakasika mupaizi muniini ciindi cimwi, wa zina lya Martin Luther, elyo wa kasyuuka Ijwi lyomwe lya Bwini: “I baluleme bayo ponena ku lusyomo,” mpaawo kwakasika itu; mpaawo itu limbi lyaka tobela, Zwingli, elyo mpawo kwakasika Calvin a Knox a kuyabuya muciindi cakatobela.

²⁵⁴ Cintu citaanzi nywebo mulizi, cakacinca itu lyaco, caka njila mu ngalala. Lino, eco cakaboneka aniini loko mbuli ncico, pele nekubaboobo tii cakali cintu cini caka njila mu bulongo, mpaawo kwakasika Wesley ambali. Kuzwa muli Wesley kwakasika mbungano ya Methodisti, kuzwa ku mbungano ya Methodisti kwakasika Nazaren, Unaited Brethereni, abamwi bambi. Ino cakacita nzi? Ca kawa kujoka alubo nkabeli ca kazyala, yakaboneka mbuli museke wini wa whiiti lino, Pentekoste.

²⁵⁵ Lino, amulangilile Jesu, muli Matayo 24:24, “Mu buzuba bwa mamanino, myuuya yobile iyo tandila kukozyanya loko mane iyo cenga mbabonya Basale, ikuti nicali kukonzeka.” Lino, cindi nseke eyo ya whiiti niya kayutuka, kufumbwa sikulima whiiti ulizi kuti eco cakali kuboneka kulondoka, museke wa whiiti. Pele wakkala a kucitola mu janza lyako, ko cijula. Taakwe whiiti muli ncico, calo ncikwa. Pele kulaale kusule, kunsi lya maikkrosikkopu mula konzya kubona katu kaniini, mpaawo kuboola museke. Elyo mpawo ncinzi eco cikwa cakucita? Kwalo nkukwabilila museke, zuba lipya inga lyaujaya,

li kwabilila museke kusikila museke wasima. Elyo mpawo cindi museke wasima, cikwa cila somoka kuzwa kuli ncico. Pele, sena mwakabona, eyo museke mpawo oyo uboola, weeleda kuba musyobo nguonya wa museke oyo wakanjila mu bulongo.

²⁵⁶ Nokwakamana lubukulusyo lwa Luther, kwakasika kabunga. Munsi ly a lubukulusyo lwa Wesley, kwakasika kabunga. Munsi ly Alexander Smith, John... Alexander Campbell, John Smith, boonse bamwi babo, kwakasika kabunga. Kumane Pentekoste, kuselemuka kwini mbuli cintu cini, pele kwaka boola kabunga. Ino cacacita nzi? Ka kasomoka.

²⁵⁷ Twa kajisi myaka iili kkumi ayosanwe ya lubukulusyo, kwiina nocaka zibwa mu makani aakale oonse. Elyo amulangilile, mu lubukulusyo olu lwa myaka ili kkumi ayosanwe, Lwaka fumpa inyika yoonse, alimwi taakwe kabunga komwe ka kayakwa kuzwa kuli Ndulo. Ino Lwa kali kuli? (Lwa katalisyva mvula ncaalizi, lwa kafwa muli ya...mpoonya awo, lwa kafwa.) Taakwe kabunga kakatobela Olu. Nkaambonzi? Ni nseke Lwayo, taku konzyi kuba limbi. Elyo cikwa lino cili mukusomoka, taakwe kubelekelaamwi, taakwe muntu uyanda nduwe. Nkaambonzi cili obo? Ci leelede kuba Eco.

²⁵⁸ Nkaambonzi eyo mbungano ya kayakwa? Kuti Ili gwasye. Oko...Nguni wakalino beleka antoomwe? Ino Baptisti, na Presbyteria, na Lutherani niba kazumizya muswaangano wanguzu iwa kuponesegwa kwa Buleza? Lino cindi Bwini bwayutuka, ncinzi cicitika? Kutali cikwa; pele Buumi bulazwa ncobeni ku cikwa, kunjila moonya mu museke, Buumi bwini ncobeni. I kabunga kaima alya, kafwa, mbuli buyo mbo kacita mu bukkalo abumwi, kala cita mbubonya. Wa kazwa muli ceeco, myaka ili makumi osanwe yakainda, a kujokela moonya muli ncico alubo! Pele Buumi bwini butobela museke, tuli ku ciindi camamanino, bakwesu.

²⁵⁹ Ino bwa kazwida nzi? Kutegwa inga caleta museke mu busyu bwa Mwana, kuti ubizwe museke wa ngolide ku kubizwa kwa Simalela. Nkaambonzi wa kasomona? Aboobo, cipa kucisa myoyo, misozi, kuti taba kkali kumbele ly a z-u-b-a, pele M-w-a-n-a, ku kubizwa ku Makanimabotu aazwide eeni akasimpe, ku kutondezya zintuzyonse ezyo Jesu Kristo nzya kasyomezya mu Bbaibbele. Nkooko kubuka kwa Mubili sunu akati ka bantu. Elyo takukabi limbi tubunga, ciyo unka moonya mu Laodikeya ivubide. Ino kabunga kaka zwidilila kunzi? Mamilioni aa madollar, a mamilioni aa bantu.

²⁶⁰ Elyo ino Mweembezi waka zwida kuli? Kuvuna babunyina Bakwe kuzwa ku bwaange. Ta-Ta ndizi; Leza, koba andiswe, kotu gwasya. Kubala Ijwi! Amulingule Magwalo! Muli Ngawo tu yeeya kuti tu jisi Buumi Butamani, alimwi Nge Ngawo ayo aa lungulula Bwini. Mwabona, Leza wakapa Majwi Akwe ku bukkalo abumwi. Obu bukkalo lyoonse... .

²⁶¹ Ino Jesu wakaamba nzi cindi Na kasika? Wa kabaambila bantu, “Nywebo basikuupaupa! Mula latubya malambo, a kuyaka tubanda twa basinsimi, a bamauso baka babikka omuya. Elyo muli bana ba mauso. A milimo eyo njo bakacita, moyo icita anywebo.” Cicili mbubonya lyoonse, bakwesu bangu.

²⁶² Pele cindi Jesu aboola buzuba bumwi, Mweembezi Mupati wa mbelele kuzwa ku Pentekoste kwiinda muli Luther kwiinda mu makkalo oonse, oyo wakatambula Mumuni mbuli Mbo uboola kwiinda mu ziylumuzyo (kutali kutambula ciyumuzyo, kazumina Mumuni; mwabona, wakamwaika), Uyo boola kunununa. Ndili kkomene kapati kuti Ndi lizi Ula boola alubo. Oh, sa inga mwa balwa a nkamu Yakwe? Sa inga mwa balwa? Kuli nzila yomwe biyo ya kucicita, kutali ku kusangana mbungano, pele ku kuzyalwa muli Nguwe. “Elyo boonse abo Taata mbaka Ndi pa, bayo boola kuli Ndime, alimwi taakwe mutu ukonzya kuboola citakuti Taata Wangu wa mwiita.” Mwabona, nkukoense kuliko kuli ncico, ku Ci tambula. Wa... Eco nee Cipego cilikke ca Krisimasi eco Nce zyi, ncipego ca Leza eco Nca kapa ku inyika, Mwana Wakwe simuzyalwa alikke. Elyo Ngu mbobuca nguwenya, sunu, amuya myaaka, Ijwi. Mwabona? Amu Mu syome mu buzuba buno, buzule bwa Bbaibbele.

²⁶³ Cindi ayo makani aasisidwe aali ciloba... Kaindi kwiinda mu Makkalo aa Mbungano aali Ciloba, kwa kali makani aasisidwe aali ciloba akasiswa. Ndili mukulemba bbuku lya Ngawo. Elyo silwiyo mupati wa zyabukombi wakati kuli ndime kutali ciindi cilamfu cakainda, kati, “Mukwesu Branham...” Mwabona obo Saatani mbwayo sola kukugusya kuzwa mu mugwagwa? Wa kati, “Mukwesu Branham, uli zyi cintu na? Nda syoma Mwami uyo ula yubunwida eco nco weelete kucita citobela. Nku... ayooba maseseke mapati ayo akasiswa kunsi lya Zinamatizyo ezi zili Ciloba.”

²⁶⁴ Nda kati, “Peepe, eco tacili ncico, mukwesu.”

²⁶⁵ Wa kati, “Ciyoooba cintucimwi eco akwalo citalembedwe mu Ijwi.”

²⁶⁶ Nda kati, “Peepe! Peepe! Ula luba, ‘Kufumbwa mutu uyo yungizya ijwi lyomwe, na kugwisya Ijwi lyomwe.’” Mwabona, Cili kale omuya, pele basilubambilulo baka kakilwa ku Ci bona, tiiba kapona kwa ciindi cilamfu ku Ci bona.

²⁶⁷ Elyo makkalo amana lino, tuli mpoonya awa aa Laodikeya. Elyo amuyeyeye, bukkalo bwa Laodikeya, Wa kali aanze lya mbungano, kakonkomona, kusola kupilukila mukati: Eva waka futatila Adamu wakwe. Leza, tu gwasye. Atu unke kwiindilila cilawo kuyo Mu jana. Atu penge aanze lya zilao a Nguwe. Atu unke kuli Nguwe mu lufu Lwakwe, mu kuzikkwa Kwakwe, a mu bubuke Bwakwe; nkambo Ngu mbobuca nguwenya, sunu, amuya myaaka.

²⁶⁸ Atwi imbe ciimbo comwe katutana kuzwa. Sa mula cita? *Nda Mu Yanda.* Sa inga wa tupa cijaluzyo, mucizi? Mbangaye bazi lwiimbo lwakaindi? Nda...Ikuti na wakasola kuba mu miswaangano, Nda luyanda.

²⁶⁹ Lino atu jale meso esu, amuyeyeye Jehova. Taakwe umwi wakali kweelela, taakwe umwi wakali kukonzya kucicita ccita Nguwe. Elyo Wa kaselemuka, a kuba muvwanda muniini. Wa kaboola, kali mukubusyi. Wa kaba mubezi wamapulanga, muntu uubeleka. Wa kaba Kabelele, Wa kaba cituuzyo. Wa kabuka cakuzunda, Jehova. Elyo mbuli Musa mbwa kakwela janza lyakwe kuzwa ku camba cakwe kuzwa ku moyo wakwe, Leza waka kwela janza Lyakwe kuzwa ku camba Cakwe (maseseke Akwe) Mwana Wakwe oyo wakaumwa bulwazi bwa cibi, cakutayanda; a ku Li dinka ku camba alubo, a ku Li kwela a ku Li vumbya kuli ndinywe a Ndime: "Jesu Kristo mbobuca nguwenya, sunu, amuya myaaka."

²⁷⁰ Amu Mu lange lino.

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

²⁷¹ Mbangaye bazi kuti wa keelede kuba mweembezi, amwaambe "Ameni." [Mbunga yaamba, "Ameni."—Mul.] Uleelede! Nkaambonzi mweembezi? Ca keelede kuba. Lino kuciindi no twiimba kampango aka komwe alubo, kusika ku tafule. Ngooyo muna Methodisti, Baptisti, Lutherani, Presbyteria, Katolika, a boonse, bakkede omuno sunumasiku. Amusukane maanza, kwaamba, "Simuzwamasi ma, Ndili kkomene kapati kuba kookuno anduwe, sunumasiku." Aamba cintucimwi kuli mbabo. Aamba kuti, "Leza amu longezye," mbuli mbo tusuka maanza umwi aumwi lino. Mboli mbo tuyiimba alubo lino.

Nda...[Kabeela katakwecintu aa
 teepu—Mul.]
 ...lufutuko lwangu
Aa cisamu ca Kalivari.

²⁷² Lino atu jale meso esu a kutambika maanza esu, a kwiimba kuli Nguwe.

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

²⁷³ Elyo lino, Leza takwe ciimo. Aboobo, atu kotamike mitwe yesu a kung'ung'una lino, mbuli bana baniini, muli bana ba Leza. Muta langi kuli eco inyika ncoinga yayeeya, amu komba eno, kukomba Kristo. Amu kotamike buyo mitwe

yanu a ku ng'ung'una. [Mukwesu Branham wang'una *Nda Mu yanda*—Mul.]

²⁷⁴ Sena mulimvwa kukumbwa koonse mbuli oko? Musyobo buyo wa Cintucimwi caka cumba kudonaika koonse a inyika kuzwa kuli nduwe? Wa mvwa boobo na? Tambika maanza ako, “Ndali mvwa kukumbwa koonse. Nda limvwa bwandeene. Nda limvwa mbuli kuti Nda kali kulya kuzwa ku maanza Aakwe. Nda...” Mbuli mukwesu awa mbwa kalungulula, “Cakulya, Cakulya ca Mweembezi, Cakulya ca mbelele.” Eelyo ndi Ijwi.

²⁷⁵ Mbelele zya Leza zilya Cakulya Cakwe, “Muntu taka poneni ku cinkwa cilikke, pele ku Ijwi lyoonse lizwa ku mulomo wa Leza.” Elyo eli nde Ndilyo, Bbaibbele. Tula sanizya Ijwi lyoonse, kutali buyo Majwi amwi, pele Ijwi lyoonse eelyo lizwa. Oh, sa tacimu bambi ku Mu yanda? Kuyeeya kuti lino tu jisi Buumi Butamani! Kutali kuti tu yooba, *lino* tul bana ba Leza. Kutali kuti tu yooba, eno! Elyo nkkala antoomwe mu masena aakujulu *muli* Kristo Jesu. Alimwi televizhioni mpatti, ila tondezya kuti kuli mayuwe a ether abamba bantu (muntu oyo uleenda koonse ku nyika) kuzibwa kwiinda ku—kwiinda ku skriini ya televizhioni. I Ijwi pati lya Leza, a Muuya wa Leza kuubweza Ijwi lya Leza, kutondezya kuti Jesu Kristo mu masena aakujulu ku mbelele Zyakwe, kuti Ngu mbobuca nguwenya, sunu, amuya myaaka. Sa Tali mubotu? Mubotu! Leza amu longezye.

²⁷⁶ Lino atwi imikile asyoonto. Sena kuli umwi uyandika mupailo wa kulelekwa? Lino, amuyeyye, kuciindi ca Krisimasi, kukomba Mwami Jesu. Ku Mu komba mu Nguzu zya bubuke Bwakwe. Elyo ikuti na Nda konzya kuba lugwasyo kuli ndinywe (nywebo, mweembeli wanu, mbungano yantu, na kufumbwa cintu), busiku ta bwiindili kusiya, mvula tailoki canguzu loko.

²⁷⁷ I busiku bumwi (ngoooye mulindu wiimvwi uliko awa) Nda kali pakasizye maningi, kabweza balwazi a zintu kusikila... Kwakali mwanakazi wa myaka ili makumi ali lusele yakukomena oyo waka sondokede, elyo waa kajisi... waa kayeeya makani akuba a muvwanda na cintucimwi, waa kali sondokede. Elyo Billy, kuzwa ku ofesi, waka nditumina, kati, “Taata, sa inga wacita?”

²⁷⁸ Nda kati, “Nse konzyi ndyoonya lino. Kuli bantu... Nse konzyi buya kucicita.”

²⁷⁹ Wa kati, “Taata, sa inga wainka ku mupailo? Ndiyo baambila kuti mula komba.”

²⁸⁰ Nda kati, “Iiyi.” Elyo ku ciindi eco nciconya waa kaboola kuli lwakwe. Waa koona, kasinsimuka mu ciimo cakwe ceelede; kalya cilalilo, ca nkuku, mu kuyeeya kweelede. Muntu waliimvwi awa kapa bumboni bwa ncico kaindi kaniini kainda.

²⁸¹ Mukwesu Mack, Nda mubona awa kaindi kainda, abusena bumwi mu mbungano. Uli waano, umwi wa beembeli,

mweembeli wamubusena. Ii mukwesu uyandwa kapati, alimwi Nda kali kumuyanda lyoonse Mukwesu Mack kuzwida eelyo Ne katalika lutaanzi mu mulimo. Elyo mpawo Nda kamuswaana . . .

²⁸² Elyo Nda kali kutala mu British Columbia; a ku mutondezya buyo obo Leza mbwaya kubeleka zintu zyoonse kabotu. Nda kali tantide kale aa mbizi, alimwi ndakali kujokela mu nkanda oko Nkwe kasololela nkamu yoonse yaba India kuli Leza; alimwi boonse bakasanduka, alimwi baka tumbula Jesu.

²⁸³ Elyo ku cisinsime cakaambila mulombe muna India waka sweekelwa mbizi ya musyobo muniini, myaka yobilo yakainda, akumwaambila oko nkoya kali kukonzya kujanwa, nzila mbo ya kalinoba kulaale, a a kooko mbizi ya musyobo muniini nko yakali koimvwi. Banyina bakali kufwa a kulwanwa kwa moyo. Ba kaponesegwa a kufutulwa. Elyo mulombe oyu, kaboola buyo munsi a kucibona, a kuziba kuti wa . . . mbizi yakwe yaka janwa nzila njionya nja kaambilwa, a zintuzyonse.

²⁸⁴ Taakwe Ijwi neliba lyomwe Mwami ndya kasola kukanana . . . Njo buzya kufumbwa wanu, "Sa Wa . . . mwaka sola ku Mu mvwa kaamba cintu cili coonse, kuti Wa kasola ku ndaambila ku mwaambila, pele ncinzi cakacitika mbubonya buyo?" Ikuti na mbo mbubo, amwaambe "Ameni." [Mbunga yaamba, "Ameni."—Mul.] Mwabona? Mwabona? Mbombubo, taakwe Na kakilwa ciindi comwe.

²⁸⁵ Elyo Mukwesu Mack wakali lede kuciimo ca lufu, a kucitika kuba kuti mukaintu wakwe wakaita Billy . . . mukaintu wa mwana wangu, a kwaambila . . . lomba awo Mpe kabede; mulindu oyo muniini mubotu a . . . mukaintu wakwe. Elyo waa . . . Elyo muka mwanaangu wakati, "Uli kule mu British Columbia mu lweendo lwa kuvwima."

²⁸⁶ Elyo cifumo eco, bumwi, Nse—Nse—Nse kakonzya kwiiitanta mbizi eyo. Elyo mpawo Billy wakati, "Ndiyo syoma kuti Njo tuma luwaile ku muunzi ciindi cimbi." Elyo wa kaunka kutala ku positi ofisi kuyo tuma. Alimwi mpaawa baka joka kabazuza, ciindi muna India muniini kaimvwi alya, kaniini . . . oyo wakali mwini wa mbizi ya musyobo muniini, a kuti, "Mukwesu Mack uli lede kuciimo ca lufu, nkabela uli mukukwiita."

²⁸⁷ Elyo Nda kazwa, kainka omuya mu zisaka a kufugama. Nda kati, "Oyandwa Leza, kulaale kumusanza, mamaile ali zyuulu zyotatwe ku cisi cibala zuba maningi, mu cisi ca Arizona, mu Tucson, mukwesu wangu, alimwi uli lede kuciimo ca lufu. Sa inga wamu gwasya?"

²⁸⁸ Cintucimwi Calo caka ndaambila, "Koonse kuli kabotu."

²⁸⁹ Elyo cindi Ne kaboola ku Mukwesu Mack buzuba bumwi, kuzo kanana kuli nguwe, elyo Nda kamubuzya, "Ino ndi oora nzi eco nica kacitika?" lyakali oora ndilyonya ncobeni ndyotwa kaunka ku mupailo.

²⁹⁰ Oh, Wa...Sa Tali mubotu! Ngu mbobuca nguwenya, sunu, amuya myaaka. Ndili kkomene loko kuziba kuti Ndi pona mu Busyu bwa Mwaami.

²⁹¹ Atu kotamike mitwe yesu lino, a mukwesu muniini muyandisi mpali awa, mukwesu wa missionari, mweenzuma wangu, membala wa Assembilisi ya Leza, mukwesu muniini muyandisi awa. Ndi mwiita kuti, "Creechy." Wa kaamba zintu zibotu zili boobo. Mukwesu Creech, Ndi kwiita obo. Ta ndizi ca kwaamba, uli mukwesu wangu a muzikema mu mafwabi aa Jesu Kristo mu buzuba buno bwa mamanino. Akube kuti Leza aku longezye. Elyo Ndi yeeya kuti Mukwesu Tony wakati ula mwaisya bbunga ku ciindi eci, kuciindi notu kotamika mitwe yesu. Yaa, boola.



NCO KWA KEELEDE KUBA MWEEMBEZI TNG64-1221
(Why It Had To Be Shepherd)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Muvulo mangolezya, Nalupale 21, 1964, waku cipobwe ca Full Gospel Business Men's Fellowship International ku Ramada Inn mu Tucson, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org